

宛陵先生詩集

宋路

詩

宛陵先生文集目錄卷第三十一

送景仁歸蜀

送景仁歸蜀

送中道鄭州拜攝

送子華歸許昌

燕

送周長官知遼

寒食

和諸君游湖見寄

擬試含桃薦寢廟

子華約游園

大風

春風

送侯寺丞知鞏縣

次道家摘寶相花

送南京寇中舍

送韓奉禮隨侍許昌

金明池遊

和應之還邑

送韓仲文知許州

送薛殿丞知達州

和朱學士憶潁川

集英殿宴以雨放

送陳太祝歸河陽

送祖擇之知海州

殤小女

與用文師

小女博銘

送吳學士歸蔡州

送刁景純

刁景純期水門再別

和荅韓子華

舟中聽汴水

逢王公慥太傅

寄題洪州慈濟西軒

送謝著作歸陳州

和石學士官舍上題

勉致仕李秘監

送江南施提點

夜泊虹縣

施景仁邀宴

送提點王判官

淮雨

舟次山陽呈王寺丞

送崔寺丞宰臨海

楚童

寶應道中起慶曆七年夏

雜詩絕句十七首

目錄終

宛陵先生文集卷第三十二

送范景仁學士歸蜀焚黃

蒼山過秦梁山盡見川陸下馬古城都訪龍得喬
木掃箨開奠席隕淚濕俎肉當時相如歸徒自盛
車轂不聞有是爲事乃今古獨還因問耆舊亦莫
遺隱卜荒祠古栢下殘月杜鵑哭憑君約史筆書
作西來目

送宋中道鄭州拜掃

酣酣道傍杏戢戢壠上栢不知煙火禁但感風露
易開關掃墓隧向樹繫車輓洒淚有餘悲麒麟高

幾尺

送韓子華歸許昌

不值風雨暴杏過梨已開社後清明前鶯與人歸
來湖中水方漫誰共泛其隈儻有問顛顛顛顛未
忘盃

鶯

澁澁隻來鶯飛飛自舞空輕如漢家后斜避楚臺
風斗折撩沙嘴相高接草蟲向人全不畏切莫入
吳宮

送周行長官知遼州

二月遼陽去遼陽草未生春風吹胡沙卷起黃雲
平土人耕耨晚種黍何時成塞地寒且薄百役子
宜輕

寒食

墳塚徧青山高低占原谷向來路已荒今迷問樵
牧涉水到雲林隔崗聞近哭沃酒白楊下悲風何
颼颼雨止梨園殘鳩聲在茅屋

依韻和太祝同諸君遊園湖見寄

陽春何處來客自商立至一唱新辭工始見故人
意園林誰與遊卉木欣已媚花上有微陰水邊無

近思遙憐數觴豆何必親歌吹牧馬憶當時招延
遺舊地不逢浮沼鴈但見銜魚翠日予謬詞律荅
句嗟蕪累安能接賢彥樂事聯輕騎獨不負春風
塵纓此懷愧

門學士院試含桃薦寢廟詩擬作

交交鳴谷鳥粲粲熟荆桃寢廟此先薦離宮將以
邀旣同羞俎實且異獻溪毛露穎明朝日朱先通
赭袍戴經傳自久漢令著方高天子從茲食群臣
賜亦叨

韓子華約游園上馬後雨作遂歸

誰約玩春物狂風雲驟開擺叢多落葉蔽路足昏
埃逆水鶯迎雨將生鶉怕雷嵇康今轉懶騎馬半
途迴

大風

夜風晝不止天理何可常正當春木榮擺磨枝葉
傷東皇務長養乃值此物狂曷不訴於帝斥之出
遠方風伯有罪五孰肯進皂囊往時歲苦旱救熱
雨欲滂吹之不使下雲雷遂深藏復搖江海波白
日沉舟航又卷關塞沙千里填河隍拔木與退鷁
書傳言已詳今者天柔和煦煦皆敷芳獨爾何不

仁喙怒事雄強既其背天時誅殛固所當爲鳴兼
虎嘯助惡黨亦昌

春風

常愁春雲低誰料春風惡搖扇無定響折幹時聞
落吹花擁細草送雨來高閣江燕倚身輕逆飛前
復却

送侯寺丞知鞏縣

侯洛人

伊洛合河流正臨歸鞏路崖壁人畏崩芹泥岸長
固山迴邑郭見馬入雲煙暮宰茲雖所淹況與鄉
黨附

宋次道家摘寶相花歸清平里

往歲見此花開遶手擷群芳因醉嗅今來須約爛
熳看及過風雨又已後主人爲我特殷勤架底深
深撥孤秀密枝陰蔓不爭開薄紅細葉尖相鬪先
時已落已掃除最晚堪憐予所厚呼童歸遺不可
緩金盃付與急奔驟暮還已見映雲髻初拈尚覺
香在袖官橋夜市正沽酒沽酒共賞莫待晝

送南京簽判寇中舍

東風莫迎舩舩下黃流急送車猶未動顧棹已不
及離宮佳氣盤賓幙平時入因君報親舊將去江

南邑

送韓奉禮隨侍之許昌

岸之側多菖蒲蒲之下多乳魚乳魚可以饌菖蒲
可以茹羨君調膳去且樂因使無忘寄我書

金明池遊

三月天池上都人袂服多水明採碧玉岸響集靈
鼉畫舸龍延尾長橋霓飲波苑花光粲粲女齒笑
瑳瑳行袂相朋接游肩與賤摩津樓金間采幄殿
錦文窠挈榼車傍綴歸郎馬上歌川魚應望幸幾

日翠華過

寬入声

和應之還邑道中見寄

向老思舊交欲見恨無翅前時君來都欣喜乃一
至亦既勤我懷酌酒去拘忌自從離洛陽此會無
三四謝尹最賢豪已嗟存沒異因酬馬上篇遂寫
相逢意

送韓仲文知許州

孰不爲太守所榮歸故鄉僚官託舊識邸吏窺新
章前去別馬上今仰立道傍野老拜車塵里人持
壺漿至家墳荒美謁壠雲日光盛事難盡書且舉
國門觴

送薛殿丞知達州

遠郡古通川雲煙秀重疊江從巴蜀來山與岷峨
接啼鳥異方音青林四時葉使君當問俗市賈皆
紅頰

依韻朱學士廉叔憶潁川西湖春色寄獻
尚書晏公且將有宛丘之命

物景有先後春工無舊新追歡成杳蕩寄詠苦
巡湖水與濠接岸亭將寺隣艷花繁舞髻弱
垂緡客奏桓伊笛人歌柳渾蘋何嘗頰几案自得
去埃塵縱語曾忘倦從游未覺頰賦詩高壓古下

筆敏如神每想魂俱往終知夢是因廣騷常慕屈
感遇亦希陳借問摛詞者當時別乘人喜公移幕
府連賞二州春

集英殿賜百官宴以雨放

春來無點雨三月始聞雷曉殿鳴簷急群公罷食
迴燕迎風翅健馬踏霧泥開晚覺微陽透飛光生
綠槐

送陳太祝歸河陽

羸馬度關去夜向河橋歸水風來何急吹裂游子
衣到家莫久留速書赴禮闈大對必有蘊時哉無

闕稀

送祖擇之祕丞知海州

驥有千里足不使千里馳人有抱長才亦復不得
施去去作守長政化尚可爲勿云海濱陋豈無彼
黔黎事舉訟必簡安能忘酒卮水物錯在俎醎腥
應自宜胸山日相對亦莫厭其卑蒼翠入畫戟濃
淡若秀眉但向此中樂用捨乃繫時

戊子三月二十一日殤小女稱稱三首

生汝父母喜死汝父母傷我行豈有虧汝命何不
長鴉雛春滿窠蜂子夏滿房盡蟹與惡噪所生

遂飛揚理固不可詰泣淚向蒼蒼

蓓蕾樹上花瑩絮昔嬰女春風不長久吹落便歸
土嬌愛命亦然蒼天不知苦慈母眼中血未乾同
兩乳

高廣五寸棺埋此千歲恨至愛割難斷剛性判以
鈍淚傷染衣斑花惜落帶嫩天地既許生生之何
遽困

與用文師

師名學佛者何乃愛吾詩吾方嗟世人各各事奔
馳蒼鷹鳥絕海至不異攫鼠鷗所趨有遠近所向

皆餒飢漱水對無語風動庭樹枝

小女稱稱塲銘

吾小女稱稱慶曆七年十月七日生至八年三月
二十一日死嗚呼鳥獸螻蟻猶有歲時之命汝不
然也汝稟氣血爲人豐然哲然其目瞭然耳鼻眉
口手足備好其喜也笑不知其樂其怒也啼不知
其悲動舌而未能言無口過動股而未能行無蹈
危飲乳無犯食之禁愛惡無有情之系若是則得
天真與保和何病夭之遽乎得不推之於偶然而
生偶然而化偶然而壽偶然而夭何可必也吾將

衣汝衣歛汝棺葬汝于野亦人道之常分汝之鬼
其散而爲大空其復託爲人不可知也其質朽而
爲土不疑矣富貴百年者尚不免此汝又何究瘞
之日父母之情未能忘故書之塲非欲傳之又且
以志其悲云銘曰

母孕而夢夢維虺虺古占女祥夫其豈然耶復古
我夢我遺我稱我名命汝平御妾媵旣屬而率胡
然乎靡應

送吳冲卿學士歸蔡州

孟夏日南歸馬耳豎迎風急雨不及避斷霓明向

東古城汝水傍化俗寄我公君今去拜慶酥酪美
將同

下土橋送刁景純忽大風韓子華先歸遺
其小方巾明日持還副以此詩

昨日汴水頭共餞東去人暴風吹黃沙對面不相
親歸來乘大馬悞擲小方巾平明馳奴還偷樣古
逼真

刁景純期水門再別以風雨不往

餞客客未去明朝當更來風雨尋船懶車馬向城
迴烏帽吹覺重清樽想誰開終期江上見俗禮聊

損裁

韓子華訪石昌言不遇石有詩韓邀和答
嘗聞載酒者去訪子雲居乃值徒御出遂令談笑
虛為黍寧之具題鳳豈有諸一聽負荆語還想蘭
相如

舟中夜聽汴河水聲

夏雨漲黃流夜鳴隣船柁乘危冒險人不識西山
餓

逢王公慥太博

驚馬不惜蹄出門莫畏泥泥中逢故友十載相乖

睽但怪蒼鬢色班班俯鐵驪少立不及語交策或
東西向晚我還舟君來訪長堤對論出處跡存沒
生悲啼勿言少壯日志意吐虹霓而今七不堪懶
又甚於愁

寄題洪州慈濟師西軒

西軒無落暉所賴西庭竹竹間有古葉竹上有繁
綠夜雨一洗梢朝陽似晞沐焚香愛此心自不同
諸俗

送謝著作歸陳州

騏驥泥中行偶蹶未千里終當至高衢尚苦泥行

耻今歸雨濛濛嘶鳴欲何止乃念拔名駒近在清
川浹他日見騰驤駕握此垂耳

和石昌言學士官舍十題

病竹

水邊移得已傷根枝葉如枯生意少主人不使荒
穢侵遂長琅玕勝凡草

石榴花

春花開盡見深紅夏葉始繁明淺綠祇知結子熟
秋霖不識來時有筇竹

薏苡

葉如華黍實如珠移種官庭特葱蒨但蠲病渴付
相如勿恤謗言歸馬授

石蘭

言石曾非石上生名蘭乃是蘭之類療病炎帝與
書功紉佩楚臣空有意

萱草

人心與草不相同安有樹萱憂自釋若言憂及此
能忘乃是人心為物易

葵花

此心生不肯朝日肯信衆草能藉之真似節旄思

屬國向來零落誰能持

蔬畦

手自除荒手自鋤葱針已插壅薤本朝芸夕灌豈
不勤比食翦苗閑且穩

水紅

江天淡淡江水平江岸有花紅作穗今日特向都
城開畫時只合銜魚翠

甘菊

世言此解制頽齡便當園蔬春競種到秋猶得泛
其英爛醉莫辭官有俸

蘭

楚澤多蘭人未辨盡以清香為比擬蕭茅杜若亦
莫分唯取芳聲籠衣美

勉致仕李秘監

淵明歸柴桑家貧食不足當其勇去時不待秫稻
熟借問何以然實耻暫屈辱公常為近臣曾不輒
媚曲一緣府舍災遂使還秩祿祿仕四十年內乏
釜鍾粟歸來託四鄰恹恹無片屋去就異前人其
義已介獨譬之食嗟來應自甘退縮當營負郭田
漸可事水竹

送施景仁太博提點江南坑冶

楚山豈無銅楚匠豈不工大鑪常乏鑄碧升那得
充積弊在鄉縣孰肯以利籠君今承詔行諭民當
得中苟能使之發亦莫取之窮此乃事可久山深
山自通

夜泊虹縣同施景仁太博河上納涼書事

與君愛清風移榻就明月月落見星繁星繁如畫
熟霑衣輕露隊響岸崩湍齧坐思都城時誰許脚
不鞮

施景仁邀詠泗州普照王寺古檜

來尋淮上寺老檜莫知年劫火已鎔像膠枝寧改
煙根擎怪石入節駁蒼苔堅欲問浮波箭空嗟此
獨傳

送王判官同提點坑冶

地雖不愛寶利在與民共務國不務民儻有安得
用孟氏美王圉其說久已誦聊此陳薄言切但不
能重

淮雨

兩脚射淮鳴萬鏃跳點起漚魚亂目濕帆遠遠來
未收雲漏斜陽生半幅

舟次山陽呈王宗說寺丞

遠客雖有樂莫如逢故人夜懷夷門時月照楚水
濱自居扁舟上隨處與船隣宜將到此日因使報
朋親

送崔黃臣寺丞宰臨海

補官桐廬時已飽嚴陵釣進吏六百石又得臨海
嶠因之論出處足以見風調洪潮可登觀萬里漲
川竅收縮向何歸由來人莫料憑君能賦才庶或
窮其妙

楚童

楚童能捕魚乃在水邊居手取眼不顧情知獺未
如鬢上浮萍草點點綠有餘既挈不暇理歸來莫
取渠

雜詩絕句十七首

自此實應道中
起慶曆七年夏

蛙行動萍葉候觀作游魚稍稍引兩股已變科斗
書

青草生水中日日隨水長水落何所依撩亂爲宿

莽

有蟲託斷葑斷葑日夕流不知止息處隨夫非自
由

荒水浸籬根籬上蜻蜓立魚網挂遠籬野船籬外

入

茸茸前羽熟絲雨染燕脂暈滿樹斂黃昏槿花無此

分

青青老鏡葉下有繁實尖浪頭撥船女刺手終不

嫌

岸傍草樹密往往不知名其間有啼鳥似與船相

迎

青蠅何處來聚集滿盤間誰知腹中物變化如循

環

水上賣瓜女摘瓜陂上田長麻已不識滿把青銅
錢買魚問水客始得鯽與魴操刀欲割鱗跳怒鬚鬣
張沙頭風雨來帖水野雲黑如觀曹公營萬弩射船
側前時雙鴛鴦失雌鳴不已今更作雙來還悲舊流
水度水紅蜻蜓傍人飛款款但知隨船輕不知船去
遠

塘上挽船人塘泥深及脛落日望前村心將道途
競

燕立茅屋脊燕銜芹岸泥巢成同養子薄暮亦同
棲

鵲銜高樹蟬危脇線車響露腹不曾肥殺之嗟已
往

河畔有釣翁團泥為甕缶坐想秦人聲思傾杜陵
酒

宛陵先生文集目錄卷第三十三

夢尹師魯

過高郵三溝

過茱萸堰

詠宋叔文石硯屏

宋叔進道堂夜話

贈劉諫閣副

長蘆江口

金陵懷古

江畔

慈姥石崖上竹鞭

阻風

慈姥磯下

早發

望夫石

過榻山磯值風

榻山磯上港中泊

宿磯上港

請昭亭廟

昭亭潭上別

宣州環波亭

昭亭山

泊姑蘇江口邀景純

牧牛隔江吹笛

和宋和中秋邀許發運

與夏張游大明寺

寄麥門冬符公院

送張唐民

秋夜同永叔看月

荅永叔不見月

和永叔中秋夜會

觀永叔集古錄

觀舞

留別永叔

觀永叔畫真

畫真來嵩

別後寄永叔

登揚州北門

因目痛有作

宿邵埭呈永叔

寄許主客

迴過三溝

牛背雙鸚鵡

永叔贈石硯屏

岸貧

村豪

晚雲

荇

晚日

寄酬許發運

前日

淮陰

哀王孫

沛公歌

目錄終

宛陵先生文集卷第三十三

五月二十夜夢尹師魯

昨夕夢師魯相對如平生及覺語未終恨恨傷我
情去年聞子喪旅寄誰能迎家貧兒女幼迢遞洛
陽城何當置之歸西望淚緣纓

五月二十四日過高郵三溝

甲申七月七未明至三溝先妻南陽君奄化向行
舟魂去寂無跡追之固無由此苦極天地心替腸
如抽泣盡淚不續岸草風颼颼樹殭尚疑生大呼
聲耳裂喉枯師爲我歎挽卒爲我愁戊子夏再過感

昔涕交流恐傷新人心
強制指雙眸未及歸旅櫬
悲恨何時休

過茱萸堰

茱萸堰在吳牛死茱萸堰廢吳牛閑吳牛閑東南
百貨來如山

詠歐陽永叔文石硯屏二首

號州紫石如紫泥中有瑩白象明月黑文天畫不
可窮桂樹婆娑生意發其形方廣盈尺間造化施
工常不沒號州得之自山窟持作名卿硯傍物
鑿山侵古雲破石見寒樹分明秋月影向此石上

布中又隱孤壁紫錦藉圓素山祇與地靈暗巧不
欲露乃值人所獲裁爲文室具獨立筆硯間莫使
浮埃度

永叔進道堂夜話

海風驅雲來池雨打荷急虛堂開西窓晚坐涼氣
入與公話平生事不一毫及初探易之奧大衍遺
五十乾坤露根源君臣排角立言史書星瑞亂止
由不戢巨惡叅大美微顯豈相襲陳疏見公忠曾
無與明執文章包元氣天地得噓吸明吞日月光
峭古崖壁溢淵論發賢聖暗溜聞鬼泣夜闌索酒

庖快意頻舉挹未竟天已白左右如啓蟄

贈劉謀閣副

聲名赫赫在窮塞眉宇堂堂真丈夫腰劍臂弓輕
赴敵無人不伏魏黃鬚

長蘆江口

風駕晚潮急浪頭相趁過水歸瓜步小舡下秣陵
多鷗舞不停翅鷺飛輕帖波今來學楚客薄暮愛
漁歌

金陵懷古

秦莫恃棧閣吳莫恃漸江不能恃以德二國竟亦降
邇來屢興廢由險輕萬邦誰知荒涼城空存如劔
腔我今經其下弔古語愧唯嗟哉石頭潮助怒常
春撞

江畔

江畔菱蒲碧無主吳牛夜驟江干歸舟人不悟月
已上花脚野蚊撩亂飛

慈姥山石崖上竹鞭

江水浸石壁峭直無鳥蹤穴垂青竹根瘦虵愁作
龍霹靂雨脚入濕點莓苔封世人不得用八馬今
乖慵

阻風

老魚吹浪不肯休一夜南風打籬響灘下輕舟未
可行山脚盤渦似車輪

慈姥磯下

蘆汀決漭外露斂見孤嶂行舟每出觀漸近已殊
狀傍來認飲牛正去忽側盞水壑陰若春野鳥時
與相且待風色迴出口始浩蕩

早發

吳雞鳴隔山江月半在水齧齧出山岸潮聲響入蒲
葦解紂泛明鏡接天知幾里我家今不遙正住句

溪尾

望夫石

征骨化爲塵柔肌化爲石高山共蒼蒼臨水望脉
脉青雲卷爲髮缺月低照額千古遺恨深終不見
車軌

過褐山磯值風

山口風偏急磯頭水似煎喧聲殊倦聽逆上正難
牽暗石誰愁礙長途未擬前江心看白浪卷起大
於船

褐山磯上港中泊

風惡舟難進，即依浦裏村。岸潮生蓼節，灘浪聚蘆根。日脚看看雨，江心漸漸昏。篙師知蟹窟，取以助清樽。

宿磯上港

夜深風浪息，月正在南斗。遠水生白煙，踈螢出荒莽。照解蟹屢藝，新張魚未發。苟獨能憐野客，游宦意何有。

謁昭亭廟

連峯到溪止，澄溜向潭瀉。廟道走山腰，雀雛鳴屋瓦。古壁畫雲雷，空庭儼輿馬。眷予來故鄉，絜齋陳奠。尊尚想昔非，童維愚託民。杜每從諸父，賽竭至此祠。下今齒踰不惑，雙親世似寡。過此無所禱，曷慕逢時者。

昭亭潭上別

行舟晚解去，親戚各還家。淚落正濕衣，腸翻如轉車。借是昭亭水，相隨亦有涯。予今游宦意，曾不學匏瓜。

宣州環波亭

冒暑駐輪轂，徘徊北壕上。棟宇起中央，芙蓉生四向。今吾太守樂，慰此郡人望。雨從昭亭來，水入句

溪漲蜻蜓立欄角朱鯉吹荷浪岸木影下布水鳥
時引吭心閑不競物興適每傾釀薄暮詠醉歸陪
車知幾兩

昭亭山

曰山何必高要在出雲雨昭亭非峻峯雄雄若蹲
虎旱歲一來祠霈然隨漑醑有草牧爾牛有新資
爾芥有溪出其陰有潭在其塢獸則糶與貉魚則
魴與鱖山籬水羽聲下上相雜伍呼名如謙恭號
叫若怒侮崖竹或節踈嶺松或腹腐巨蜂結層房
養子窟深土何事山中人采以爲市賈其容固已

多其忍吾未取

泊姑熟江口邀刁景純相見

時陳州晏相公時

尾生信女子抱柱死不疑吾與丞相約安得不顧
期徘徊大江側念此親相知欲留時已晚欲去情
難持引領望軒車豈能慰我思願聞下士禮無曰
屈非且

見牧牛人隔江吹笛

朝與牛出牧晝與牛在野日暮穿林歸長笛初在
髻面尾騎且吹音響未成雅隨風散遠近舉調任
高下我方江上來平溜若鏡瀉悠悠經醉耳亦足

發蕭酒苟能和人，心豈必奏韶夏。鄭聲實美好，蟲情如剔副。況其荒敗跡，亦又甚裂瓦。南箕成簸揚，寺孟詠侈哆。我今留此詩，誰謂馬喻馬。

依韻和歐陽永叔中秋邀許發運

看取主人無俗調，風前喜御夾衣涼。競邀三五最圓魄，知比尋常特地光。艷曲旋教應可聽，秋花雖種未能香。曾非惡少休防准，衆寡而今不易當。

詩云仍約多爲詩准
備共防梅老敵難當

與夏侯繹張唐民游蜀岡大明寺

秋葉已多蟲古原，看更荒廢城無馬。入破冢有狐

藏，寒日稍清迥。群山分澹蒼，田衣指白小。此下是

雷塘

寄麥門冬於符公院

佳人種碧草，所愛凌風霜。佳人昔已歿，草色尚蒼蒼。蒼蒼陸行載，以車水行載。以航于今五六年，與我道路長。思人不忍弃，期植寒冢傍。我嗟復北去，安得畢此喪。留植精舍中，遠挈防根傷。他時京峴下，不比野蒿黃。

送張唐民

楚甸有行客，西風一孤舟。遠隨淮月上，若與星槎

浮野岸襲幽芳氣清露已秋得意美魚蟹白酒
問沙頭

秋夜同永叔看月

青天有右目昏明不常開常時翳雲氣古鑑生莓
苔秋夜特清徹乃顧漸西迴靈兔不持藥是夜無
纖埃與君玩流景置酒臨層臺單衣濕白露鳴鴈
方南來以言歡未終鴈聲一何哀

中秋不見月答永叔

天嫌物兼美而使密雲藏已向石屏見河湏照席
光

和永叔中秋夜會不見月酬王舍人

主人待月敞南樓淮雨西來斗變秋自有嬋娟侍
賓榻不須迢迢望刀頭池魚暗聽歌聲躍蓮的明
傳酒今優更愛西垣舊詞客共將詩興賦曹劉

觀永叔集古錄

古碑手集一千卷河北關西得最多莫怕他時費
人力他時自有錦蒙駝

觀舞 坐上作

誰憐嬌小好腰支老大而今莫那似太守風流未
應淺更教多唱楚人辭

留別永叔

舊友競留連我征時已晚但言會合難豈道行路
遠行路到有期別離未即返明當各相思念此去
且懶

觀永叔畫真

良金美玉不可畫可畫唯應色與形除却堅明盡
非寶世人何得重丹青

畫真來嵩

廣陵太守歐陽公今爾畫我憔悴容便傳髣髴在
縑素尸欠勁直藏心曾與我貨布不肯受此之堅坐

下曾非庸公今許爾此一節爾只丹青其亦逢

別後寄永叔

前日辭親淚又爲別友出愁極反無言欲言詞已
窒荷公知我詩數數形美述茲道日未堙可與古
爲匹孟盧張賈流其言不相昵或多窮苦語或特
事豪逸而於韓公門取之不一律乃欲存此心
欲使名譽溢竊比於老郊深愧言過實然於世道
中固且異謗嫉交情有若此始可論膠漆

登揚州北門

樓上山如淡墨畫城中水似輕藍接揚州今似刀

州景似聽中和樂職歌

因目痛有作

已爲貧孟郊拚作瞎張籍詩句但口吟世事不眠
歷既能分好惡難用變青白讀書聽吾兒且未廢
朝夕

宿邵埭聞雨因買藕芡人迴呈永叔

秋雨鴈來急夜舟人未眠亂風燈不定暝色樹相
連寒屋猛添響濕窻愁打穿明朝持藕使書此寄
公前

寄許主客

昨日山光寺前雨今朝邵伯堰頭風野雲不散低
侵水魚艇無依尚蓋蓬藕味初能消酒渴蓼芳猶
愛照波紅楊州有使急迴去敢此寄聲非塞鴻

八月二十二日迴過三溝

不見沙上雙飛鳥莫取波中比目魚重過三溝特
惆悵西風滿眼是秋蕩

牛背雙鸚鵡

牛背雙鸚鵡煙波共入時草枯行解美日晚趁群
遲閑戴寧辭遠相鳴不聞雌初驚牧人去飛上野
桑枝

廣陵歐陽永叔贈寒林石硯屏

磷磷石屏上濃淡樹林分隔水見寒島暗枝藏宿
雲賢哉吾益支持以贈離羣琥珀不須問中心多
化蚊

岸貧

無能事耕穫亦不有雞豚燒蚌燠槎沫織蓑依樹
根野蘆編作室青蔓與為門稚子將荷葉還充犢
鼻棍

村豪

日擊收田鼓時稱大有年爛傾新釀酒飽載下江

船女髻銀釵滿童袍毳毼鮮里胥休借問不信有
官權

晚雲

點點日脚雲斷續如破灘忽舒金翠尾始識秦女
鸞又改為連牛綴燧懷齊單伺黑窠不買額額城
未剗風吹了無物猶立船頭看

荷

荷葉光於水鉤牽入遠汀淺黃雙蝶五色小蜻
蜓老死懷江女飄浮笑楚萍西風莫著急孤葉有
餘馨

晚日

晚日晴還暖人閑見物機
葉枯蟲自聚窸響蜜尋
歸林下見收柿水邊聞
擣衣聲嗟久為客却愧寄
荆扉

寄酬發運許主客

淮上秋來物意閑又乘輕舸
信帆還一浮一沒水中鳥
更遠更見天外山斜幅纏
蹄共更至濃金酒紙領珠
頌欲酬已覺不能敵盡日
臨風思自慳

前日

前日揚州去酒熟美蟹蚋
秋風淮陰來沙暖拾蚌

螭不言爾有富只繫其部
夷漢重二千石後世何
忽之

淮陰

青環瘦鐵纜繫在淮陰城
水暝多長短林枝有直
橫山蔓一足走妖鳥九頭
鳴韓信祠堂古誰將跨
下乎

哀王孫

泗水赤龍將欲飛瘦蛟在
泥雲未歸冰壘煮灰寒
水擊長火王孫抱飢色誰
知適自下鄉來日具可
哀猶未食菰飯白漿持與
君王孫王孫何復云

沛公歌

赤帝醉提龍劍行徑草殺人壯士驚白蛇斷裂不可續神姬哀哀夜深哭酒醒自負氣生虹從者日畏天下雄秦皇玉輿來尚東安知隱在芒碭中婦人自識雲氣從王命艱哉豐沛公

宛陵先生文集卷第三十三

宛陵先生文集目錄卷第二十四

使風

田家屋上壺

夢後寄裴如晦

昭信淮上

小村

難知

九山

淮岸

原有禽

浮來山

泊下黃溪

濠梁感懷

渦口

夢諸公餞仲文

過塗荆山

舟上采菊

朝暮

荆山

塗山

曉日

雞聲

采杞

泊檝澗觀渡

看山寄中道

暮雨

細雨樵行

晨鴉

會稽婦

九日次壽州

泊壽春龍潭

穎上得鯉為膾

立家渡早發

水次蘇花

夜行憶山中

村醪

川上田家

發勻陵

聞鴈

牽舩人

田人夜歸

唁張錫不捷鄉薦

聞櫓

晚鷗

新晴

項城阻風

斫膾懷永叔

夜漁

驚鳥

相公後園四題

和許主客夜會

和相國屋上菊叢

寒菜

送裴節推歸京

十月菊上蜂

送江學士睦倅

和民樂

和晚花

聞進士販茶

自昆富至和二年五月後

梅雨

烏巖燕巢

五月十三日大水

目錄終

宛陵先生文集卷第三十四

使風

跨下橋南逆水風十幅蒲帆彎若弓
淮波帶日魚鱗紅
岌岌飛上北斗中
龜山始撞人定鍾
岸草澁澁鳴秋蟲

田家屋上壺

脩蔓屋頭綴大壺
簷外垂霜乾葉猶苦
風斷根未移
收挂煙突近
開充酒具
逢賤生無所用
會有千金時

九月二日夢後寄裴如晦

裴生安健否試問鴈經過
處士賦鴛鴦將軍養駱
駝食魚今飽未索米奈貧何
昨夜分明夢持書認
篆窠

昭信淮上

清淮渺然去白浪勢如奔
同發已先遠獨行將向
昏洲長寧辨路夜泊偶依
村燈火稍覺亂應聞人
語喧

小村

淮闊州多忽有村棘籬踈
敗謾爲門寒雞得食自
呼伴老叟無衣猶抱孫
野艇鳥翹唯斷纜枯桑水

齧只危根嗟哉生計一如此
謬入王民版籍論

難知

自古難知不遇人朝爲蛇
鼠暮龍麟魏齊客溺簣
中死亭長妻輕跨下貧白
石夜歌誰與進黃金懷
印自能伸丈夫只患無才
業何恨區區逐路塵

九山

我經九山問野叟崔嵬一
無安曰九且恐斷岸積
瓊玖復意陂原多產韭
又疑堆壠若柱灸四者未
悟叟不言使我臨流獨搔
首

淮岸

秋水刷土骨峭瘦如老石虛沙歸島嶼寒浪漱竅
隙下過白魚尾上有蒼獺跡平崗自相連野籜鳴
風櫟

原有禽倏鳴升遽默下

小禽不盈握羽翮自輕捷裊裊上雲鳴聲窮如墮
葉雀懷啄粟娛鷄有棲高恆嗟嗟力甚微枉與鷹
鷂接

浮來山

舊說此山
產雲母

秦鬼驅卯沙聚結無蒼翠誰云海上移能與潮浮
至洞噓蛟鼉腥廟畫風雷異雲母今有無庶為仙

藥餌

泊下黃溪

黃溪晚來泊得見田家微刺艇斜陽下耕洲載耒
歸牛鳴向牢犢大喜入人衣復有返樵者擔枯翹
雉肥

濠梁感懷

天子昔封禪吾叔從金輿回首泰山下出建雙雉
旗來尋觀魚臺遂遠承明廬當時十五詠螢照墨
石書

渦口

秋水見灘底淺沙交浪痕白魚跳處急宿鴈下時
昏帶月入渦尾落帆防石根清淮行未盡明日又
前村

夢同諸公錢仲文夢中坐上作

已許郊間陳祖席少停車馬莫催行劉郎休恨三
千里樽酒十分聽我傾

過塗荆二山遇暗石

淮流兩山間勢束秋漲急聚石如伏兵斂斂波下
立輕舟不可防而况昧所習暗值柂已毀後者戒
前及同發去漸遙更愁寒灘澁

舟上采菊

泯泯平慢流行當季秋月演漾過汀洲汀洲芳杜
歇白露夜正霏黃菊寒更發采以泛酒卮不獨映
華髮

朝暮

氣候輒未定寒暄朝暮間挾纒水風生衣綌川陽
還綠草藏邃岸枯櫟植高山且非天時異順理心
自閑

荆山

和楚人茲楚地泣玉山無所記但見楚人誇產玉

古廟幽幽無鬼哭儻有鬼定無足

塗山

古傳神禹迹今向舊山阿莫問辛壬娶從來甲子
多夜淮低激射朝江上嵯峨荒廟立泥骨出頭風
雨過

曉日

出舟曉日升曠曠波上爛爛黃金鎔幕歷紫煙生
鏡中釣艇似畫分橫縱風莫從虎雲從龍變作霏
霞重復重

雞聲

雞聲踏曉呼呼起扶桑烏含光如車輪碾雲蹤跡
無誰教夸父逐遠向鄧林趨復從海底轉循環似
轆轤

采杞

誰謂岸無杞條其長矣誰謂杞無實爛其皇矣掇
彼征矣檐旣盈矣捨棘與蠹造此宜酒維此宜酒
我挹我注我飲我助以養我籲

泊檝澗觀渡

隔岸呼舟檝臨河立馬牛解鞍沙上憇沉網渚間
收殘日銜沙尾孤帆落成頭莫愁暄作雨晚水白

煙浮

看山寄宋中道

前山不礙遠斷處吐尖碧
研青點無光淡墨近有
跡前林橫白雲復與後
嶺隔孤舟川上人引望不
知夕安得老畫師寫寄
幽懷客

暮雨

水上魚吹白露山頭雲
與龍附潭中水作潭中
雨朱鼈飛過吳洲去鯉
魚相隨不知數老蛤銜
泥在深處

細雨樵行

蛟人困卧寒潭底怙波
濛濛垂白綃波上女兒
飛輕撓逆流自與郎去
樵風吹鬢髮不及撩鴉
翅卷起萬重尾翹濃纈
羅帶長繞腰日暮下來
吹短簫

晨鴉

雲昏月黑鴉不知鼓聲
瑟瑟鷄報曉睥睨未辨
夫東西癡雛噪舞群翅
低野桑葉卷風淒淒濃
霧不起寒雨迷晨鴉却
歸巢上棲

會稽婦

食藕莫問濁水泥嫁婿
莫問寒家兒寒兒鰥寡
面無脂驥子縱瘦骨骼
奇買臣貧賤妻生離行
歌負

薪何媿之高車來駕建朱旗銅牙文弩擐犀皮官
迎吏走馬萬蹄江潮晝起橫白霓舊妻呼載後乘
歸悔淚夜落無聲啼吳酒雖美吳魚肥儂今秦養
慙猪雞園中高樹多曲枝一日挂與桑蟲齊

九日次壽州

昔人把菊望青楹今我持酒無黃花自催屋裏紅
鱗膾不彈牆頭白項鴉壽春城高枕淮水綠蒲疎
踈暮帆起登臨不學孟嘉軍帽墜山風費嘔紙

泊壽春龍潭上夜半黑風破一舟

盲風吼空來不識前山遮迴激入灣口暗浪騰水

涯喧聞破我船沉浸驚一家晦昧若塗漆心緒如
亂麻燈光不出戶鬼火空照沙百物任漂蕩薄命
誰怨嗟但存此空舟坐類鳥寄槎妻孥皆失色一
夕鬢欲華詹惶俟天明頃刻抵歲遐雨寒雞唱遲
况乃城上鴉

穎上得鯉魚為膾懷餘姚謝師厚

青囊潭上老賴尾網中魚買作秋盤膾還思遠客
書越壘橙熟久楚飯稻春初雖去故鄉遠不嫌為
饌踈

立家渡早發

曲穎若秋蛇屈盤鱗甲活問成得耕人拾魚逢祭
獺草窠殘野燒樹挂經流沫百里相對看頻行媿
迂闊

水次鮮花

秋雨日霏霏碧花生疊疊水邊有神女粧去遺翠
靨岸側小家婦不知所宜慳未得未還人自將渾
面帖

夜行憶山中

青熒鬼火動不悟前山雨昏徑臬鳥鳴獨行毛髮
聚楠葉枯綴林風動疑有虎低迷薄雲開心喜淡

月吐

村醪

雨濕破荆籬風搖樹亞旗小槽聲不急挈榼問沽
遲摘果野棠孰望人舩大隨燈前相對飲還似昔
過時

川上田家

斜光隔河明入照桑柘下臯壠生麥苗青青尚堪
把遠見牛羊歸相親童稚野醉歌秋草間頗與世
家寡

發勻陵

秋雨密無迹濛濛在一川孤村望漸遠去鳥飛已
先向晚雲漏日微先人倚船安知偶自適落岸逢
沙泉

聞鴈

濕雲夜不散薄處微有星孤鴈去何急一聲愁更
聽心應失舊侶翅已高青冥幾日江海上鳧鷖共
滿汀

牽船人

沙洲折脚鴈疑人鋪翅行奈何暮雨來復值寒風
生濕毛染泥滓縮頸無鳴聲爾輩正若此猶勝被

田人

田人夜歸

田牧野更迥墟里隔煙波荒徑已風急獨行唯
隨荆扉候不掩稚子望先知自是一生樂何須
并爲

行次潁州聞張甥宗亮不捷鄉薦以詩
而迎之

風前汝陰道雨冷江南書始歎與意異何慙定繼
踈但能存楚玉切莫道黔驢不負當時約馳迎
乘車

聞櫓

靜夜有舟下中流聞櫓聲隔牕燈已暗卷幔月微
明漸向寒灣遠遙應宿枕驚客心何苦急曾是不
緣名

晚鷗

晴川帶微陽鷗鳥雙飛去雙飛如有歸並宿向何
處汀寒霧幕垂永落沙洎汝不避近行舟應知心
冥慮

新晴

陰雲忽掃盡朝日吐清光萬里不礙日衆鳥欣晴

吮草已搖落山川尚鬱蒼百事擇佳日佳日唯
晴陽

將次項城阻風舟不能進

逆水寒風急輕舟晚不前因來泊古渡聊且上平
田草軟行方穩鷓鴣驚去瞥然却尋孤岸遠吹幘亂
華顛

斫膾懷永叔

高河古穴深下有蒼鱗鯽出水寧將飛落刀細可
織香粳炊正滑白酒美少力但欠平生歡共此中
路食

夜漁

夜漁歸自遠短艇若飛雲水動月猶白
擊音人不聞迴身明燭底撫卷至宵分
我以此為足勞勞非爾群

驚鳥

驚鳥見雖避人終戀舊所泊盡背船頭去却從船尾
落湏知取勢高不是初飛錯

十月三日相公花小飲賦四題

拒霜

木杪芙蓉花開非紅艷早常畏晚霜寒朱華競
草

九月二十八日牡丹

香包已向青春發又見秋深特地開應笑菊殘無
意思不能邀賦洛陽才

殘菊

零落黃金蕊雖枯不改香深叢隱孤秀猶得奉清
觴

三日讌集

蕭然寒圃有殘芳吟徧朱欄向夕陽既許坐陪公
袞貴却斬心高羽接鸞鳥凰

依韻許主客北樓夜會

一月能逢幾笑歡
高樓紅蠟滴金盤
吟餘隴首雲初散
唱盡陽關露已寒
不管星河漸西落
自將煙水去程寬
當時坐客各南北
誰憶重遊泛木蘭

謹和相國屋上菊叢

屋上有叢菊結根深
瓦縫既無地勢美
又乏土力擁乃因塗明
生不由人所種亦能應
節開焉取入公用公來
步廣庭聞鴈目始縱忽
見粲然英降植合常從
賓僚席其傍詠玩意已
重物莫厭僻遠會遇良
可頌

寒菜

蔬收莫晚圃吏已能供
根脆土將凍葉萎霜漸
濃不應虛已筋還得間
庖饗旨蓄詩人詠從來
用

御冬

送裴節推歸京

遠水未生凍輕舟歸大
梁岸迴初向月篙滑始
霑霜清世豈淹俊上公
存薦章仁應重對策莫
愧漢賢良

十月菊上蜂

黃蜂得晴日不道菊開
稀向藥晚寒起落叢最
無力飛輕輕難自舉沾
沾一何微莫問巢房處
斜陽奈

欲歸

送江學士睦州通判

涉淮淮水淺泝溪溪水逢君到桐廬日正值采茶
時試問巖陵跡今復有誰知

和民樂

歲晚場功畢野老相經過有酒自斟酌適意同笑
歌大兒緝牛衣小兒護雞窠困廩見餘積息成靡
負戈林間落熟果屋裏鳴寒梭會待朔雪時狐兔
生置羅餼鮮持作腊贈之不言他是非了莫問此
理當何如

和晚花

春花莫厭早秋草莫厭遲各不相羨慕榮枯乃繫
時芙蓉東籬英雖晚亦自宜霜前給給開霜後差
差萎深處有孤夢寒月尚見披野蜂徒愛香凍翼
不能支抱枝無力去憫然見恩私

聞進士販茶

自此宣州至和
二年五月後

山園茶盛四五月江南竊販如豺狼頑凶少壯冒
嶺險夜行作隊如刀槍浮浪書生亦貪利史哥經
箱爲盜囊津頭吏卒雖捕獲官司直惜儒衣裳却
來城中談孔子孟言語便欲非堯湯三日夏雨刺昏

墊五日炎熱譏早傷百端得錢事酒肉屋裏餓婦
無糶糧一身溝壑乃自取將相賢科何爾當

梅雨

三日雨不止蚯蚓上我堂濕菌生枯籬潤氣醜素
裳東池蝦蟆兒無限相跳梁野草侵花圃忽與欄
干長門前無車馬苔色何蒼蒼屋後昭亭山又被
雲蔽藏四向不可往靜坐唯一牀寂然忘外慮微
誦黃庭章妻子笑我閑曷不自舉觴已勝伯倫婦
一醉猶在傍

烏毀燕巢

堂間兩胡燕哺雛街百蟲老鴉亦養子偷雛燕巢
中燕巢忽墮地六七皆命窮赤身無羽翼腸斷彼
雌雄來往徒鳴聲安得置室宮我閔樓簔數俄已
彊雨風從今更生卯不若受女娥

五月十三日大水

誰知山中水忽向舍外流誰知門前路已通溪中
舟窮蛇上竹枝聚蚓登階陬我家地勢高四顧如
湖漉浮萍穿籬眼斷葑葑過屋頭官吏救市橋停車
當市樓應念此中居望不辯馬牛危湍瀉天河
漫漫無汀洲群蛙正得時日夜鳴不休戢戢後池

魚隨波去難留揚鬢雖自在江上多網鉤紛紜
間里兒踊躍竟學泅吾慕孔宣父有意乘桴浮

宛陵先生文集卷第三十四

宛陵先生文集目錄卷第三十五

和吳興五題

和行之芭蕉

促織

吳仲庶邀和六篇

和荅宣城張主簿

送寺丞

辨疑贈獻甫

盜儒

宣城郭宰遺林檎

自和

送王奉職之彭澤

寄潘歙州伯恭

再寄潘歙州

和永叔荅原甫

依韻酬永叔

依韻酬永叔再示

池州蕭相樓

雜興

夢後寄永林

送王著作赴壽安

次谷了素上人

送黃通判入浙

烏啄棗

真上人因送傷足

和酬潘歙州

潘歙寄紙并硯

始見白髭

送了素游廬山

目錄終

宛陵先生文集卷第三十五

依韻和正仲賦楊兵部吳興五題

雨過見虹明長橋欲映城
總間晴氣入空際
晝涼

生有扇徒看畫無冰
自覺清人知太守
姓不減漢

公名

清風樓

在昔有佳句故人如遠來
競生吳客柁不上楚王

臺稍拂清樽動時吹翠帟
開長安在何處水鳥望

中廻

明月樓

雲雲前溪白蒼蒼後嶺巍人疑槎上客星合蚌中
暉影轉闌干迥盃行漏鼓稀只知誇粉黛不向桂
邊歸

碧瀾堂

虛雲臨滉漾橋勢對隆穹環珮佳人去汀洲翠帶
空橘船過砌下蘭棟起雲中欲問芳菲地吳王一
廢宮

逍遙堂

江東有賢守好客似春申自構杏梁地不生珠履
塵樂章思季子後俊得吳均寢卧在其下知君學

至人

依韻和行之都官芭蕉詩

看取有心常不展亦知隨分圻佳葩無端大葉映
蓮幕却笑菖蒲罕見花

促織

札札草間鳴促促機上聲織女夜中起明河簷外
橫一絲不入杼踈密工未精豈知天孫巧衣脫六
銖輕人間唯貴重暗蟲休催成

吳仲庶殿院寄示與呂冲之馬仲涂唱和詩
六篇邀予次韻焉

次韻被命出城共況

三驄忽出乘楚艘直氣突兀如吳濤大都智勇皆
世豪橫身破浪親戰舳迴舳受箭誰畏曹猛士心
伏寒生毛風聲鶴唳傳九臯何用寶刀稱孟勞右
持酒盃左持螯功成各慕前人高不言大享烹太
牢下與尺鷃翔於蒿

依韻游陳留禪寺後池

共逢香刹住萬景筆頭堆池水蛟龍盡汀洲鴈鵠
來遠游情莫落去國意徘徊舟子休敲鼓王程不
爾催

次韻晚泊睢陽

日下繡衣客江南燕尾艫跡雖同鷁退心不假犀
涼舊國旌旄去包原苑囿荒臨堤一懷古柳上見
微陽

汴渠

我實山野人不識經濟宜聞歌汴渠勞謾緩汴渠
詩汴水源本清隨分黃河枝濁流方已盛清派不
可推天王居大梁龍舉雲必隨設無通舟航百貨
當陸馳人肩牛騾驢定應無完皮苟欲東南蘇要
省聚歛爲兵衛詎能削乃須雄京師今來雖太平

盡罷未是時願循祖宗規勿益群息之譬竭兩川
賦豈由此水施縱有三峽下率比星羅冗資慎莫充
汴渠非渠取膏脂

次韻臨淮感事

楚舸高帆未可開滿帆風暴作陰雷聖文豐慶傷
漂溺世路紛紛自往來浮磬猶聞傳激越沉妖不
見鎖淵回連陂鼃鼃鳴無數安得周官爲酒灰

次韻夜過新開湖憶二御共泛

出舟湖渺渺月白絕纖氛已見水如鑑莫生波上
雲獨征何慕侶冷酌不知醺露下清吟久同心本

愛君

荅宣城張主簿遺鴉山茶次其韻

昔觀唐人詩茶詠鴉山茶子生遂同山名
鴉重以初槍旗采之穿烟霞江南雖盛產處處無
此茶纖嫩如雀舌煎烹比露芽競收青翳焙不重
瀝酒紗顧渚亦頗近蒙頂來以邀雙井鷹掇瓜建
溪春剝葩日鑄弄香美天目猶稍麻吳人與越人
各各相鬪夸傳買費金帛愛貪無夷華甘苦不一
致精麤醜還有差至珍非貴多爲贈勿言此如何煩
懸僚忽遺及我家雪貯雙砂罌詩琢無玉瑕文字

搜怪奇難於抱長蛇明珠滿紙上刺畜不為奢玩
久手生胝窺久眼生花嘗聞茗消肉應亦可破癥
飲啜氣覺清賞重歎復嗟歎既不足吟誦又豈
加我今實強為君莫笑我耶

送寧國軍宰崔寺丞移臨安

六月畏嶺險乃陟川程迂遙看雲中鷹不亂江上
鳧魚網離飛鴻我邑望何殊鱗方懷其剖烏反值
以刺為言等王民豈限楚與吳是維見戀慕作詩
贈路隅

辯疑贈獻甫

一客逢吠狗無箠制狗狂一客叱狗吠一客言狗
良良狗豈妄吠好言已莫詳言乃仁之趨叱乃義
所當趨仁不顧義非是助狗猖吾今不疑仁仁義
嗟何妨

盜儒

其衣乃儒服其說乃墨夷天生物一本今尔二本
為爾忍不葬親委以飽狐豕吾心則孟子不聽爾
矢辭

宣城宰郭仲文遺林檎

右軍好佳果墨帖求林檎君今忽持贈知有逸

少心密枝傳應遠朱顏映已深不愁炎暑劇幸
同王漿斟

自和

陶公種五柳華氏戲五禽達性與養生共得古人
心佳果能御暑致之意何深河朔存故事助飲莫
憚斟

送王克憲奉職之彭澤

折柳贈子行况聞彭澤去將過五株下可與青青
助渭城人唱罷羌管愁吹處江上定多閑踈陰就
箕踞

寄潘歙州伯恭

我貧性愛酒有酒無錢沽新安走牙兵六月至我
廬手中持尺題肩上擔瓦壺高山度青天救此愁
腸枯開之聊傾樽渴肺如澆酥醉來欲學李白騎
鯨魚又思阮籍跨蹇驢上溪無健鱗下嶺無壯駒
憶君南望空長吁

再寄歙州潘伯恭

青山截天去古路蔽雲中不有行人至安知與郡
通高樓雖窈窕遠樹已冥濛今日勞君問衡門一
老翁

依韻和永叔澄心堂紙荅劉原甫

退之昔負天下才掃掩衆說猶除埃張籍盧同闕
新怪最稱東野爲竒瑰當時辭人固不少漫費紙
扎磨松煤歐陽今與韓相似海水浩浩山鬼鬼石
君蘇君比盧籍以我擬郊嗟困摧公之此心實扶
助更後有力誰論哉禁林晚入接俊彥一出古紙
還相哀曼卿子美人不識昔嘗吟唱同樽罍因之
作詩荅原甫文字駛穩如刀裁怪其有紙不寄我
如此出語亦善談往年公贈兩大軸于今愛惜不
輒開是時有詩述本末值公再入居蘭臺崇文庫
書作總目未暇綴韻酬草萊前者京師競分買
竭舊府歸鄒枚自慙把筆粗成字安可遠與鍾王
陪文高墨妙公第一宜用此紙傳將來

依韻酬永叔示予銀杏

去年我何有鴨脚贈遠人人將比鷩毛貴多不貴
珍雖少未爲貴亦以知我貧至交不變舊佳果幸
及新窮坑我易滿分餉猶奉親計料失廣大瓊屑
且沉淪何用報珠玉千里來慇懃

依韻酬永叔再示

前歲守廩京城西有如勾踐巢會稽引盃嘗膽未

雪耻怒蛙起揖當涖蹄海天白日蔽光影霹靂一
過收雲霓九臯澄明鶴翅濕欲暮刷羽聲嘶嘶客
來東方美鬚鬣夜光出袖行無迷授子照眼已希
世自顧臭穢猶萍蓬文章製作比善塑物象變怪
一以泥泥雖各用有巧拙巧之高絕非由梯又聞
東夷蹈水底騎頸直踞通天犀曼卿子美樓入室
似使二嫂治朕棲舜歸在床不可得此實素分非
能齊而今我獨向田里秋稼已熟烹黃雞自傾白
酒坐溪上誰念往日無梁梯隣邦或有寄嘉釀瓦
罍土缶盛玻璃昨喜得書書滿紙官尊職大憐我

睽怪我書亂苦簡略疲驚豈敢攀駿驪貴賤交情
古來有胷中不欲置吟哇世間百事賦著意但願
無病年壽躋田園未多亦粗給兒女况足資提携
終當去問綿上叟自與野老月下犁

池州蕭相樓 復所建

樓中九華峯天削水蒼玉公去何處差來雲自聯
續我思唐蕭家八人居宰錄華復朱欄幾廢
興下視寒江曲吳侯來爲邦百事無窘束新之以
登臨風月詠玩足安得黃鵠翼一舉遺世俗

雜興

苦棟樹青鶉鴟啄鹽土鳴鶉鳴老鴉啣茶子爭噪
落嶺隅不覺茶滿山漁利入江湖鹽由鶉鴟起茶
由老鴉趨誘以觸禁網二鳥誰與誅
東家月吐明西家犬爭吠玉兔在中天曾何競窺
穢姮娥雖夜行莫比淫奔廢啾啾籬下音胡不銓
其喙

夢後寄歐陽永叔

不趁常參久安眠向舊溪五更千車夢殘月一城
雞適往言猶是浮生理可齊山王今已貴肯聽竹
禽啼

送王著作赴西京壽安

翔向

去作西畿令當趨大尹庭閑尋前代跡淨掃古槐
廳未慣餐周粟還應憶楚萍但逢花木處知我昔
常經

谷了素上人用其韻

予心每淡泊世路多變詐梟鳴與鵬怪何用思彈
射空山雖夜行猛虎終不怕功名未逢時壯士且
出跨七尺無競軀市人應亦訝有香知害身扶臍
見窮麝一朝珠出淵百金未酬價爾尋遠公去挈
鉢廬峯下我趨仁義急不解如陶謝

送通判黃國博入浙

西風半空鳴且豪
吳天點破吳鴻高
東溪車馬走送客
白露衰蘭輕若毛
客當西歸乃東去
爲何欲及八月十五夜
觀洪濤洗蕩生前色
色不平氣付與滄海之水
隨滔滔却來廣陵顧相見
拍手大笑傾新醪
一飲一石無一錢
莫管寒近脫弊袍
脫袍准酒不惜醉
天意未必凍我曹

烏啄棗

樹頭陽烏飢啄棗
破紅逸地青蠅老
青蠅雨濕驚不飛
殘棗入泥人不掃
西風落盡烏亦歸
晉客齒

黃終懊惱

真上人因送毛令傷足復傷冷

陶令歸時遠公送
石苔秋雨步遲遲
凌霄花在古松上也笑向人人不知

聞道山中出入稀
偶來溪上笑談微
野雲不管田袍薄
寒逼瘦膚相伴歸

潘歙州怪予遂行與黃君同路黃先游浙

矣依韻酬寄

未識潘岳貌也知潘岳名
去年改藩屏暫此解佩纓
一見意已合談笑僕屢更豈唯文學富况亦論

事精溪邊昔欲罷屑屑秋雨零于今又聞蟬重起
悲涼情作詩遠見招值我將西行譬彼矯翼鳥革
然顧侶鳴蒼山不可陟空入江上舫黃君雖云約
同泛明日自訪柳惲汀寒儒所向多不成或西或
東車馬驚高樓登望酸目晴欲觀弄濤仍膾鯨新
安太守空相迎舉手謝君江水清

潘歙州寄紙三百番石硯一枚

求叔新詩笑原父不將澄心紙寄予澄心紙出新
安郡臘月敲冰滑有餘潘侯不獨能致紙羅紋細
硯鑄龍尾墨北磨碧涵鼠鬚玉方舞盤蛇與虺其
紙如彼硯如此窮儒有之應瞰鬼

八月七日始見白髭一莖

昔見白髭驚今見白髭喜人將拔去之我獨不然
耳拔之既更生留之何所耻白日儻日拔日拔詎
能已黑壯不爲貴白衰不爲鄙道德保於中任從
髭髮齒

送僧了素游廬山

平生愛廬山夢寢不可去江上饒買船偶來看已
旣釋子言南游徘徊瞻瀑布月飛金鬘斗光展千
尺素嫦娥呼織女機行勿復措必虞山鬼笑皎潔

無纖汗爾若見遠公贈之爲坐具

宛陵先生文集卷第三十五

宛陵先生文集目錄卷第三十六

送方進士遊廬山 讀日者傳荅俞生

賢師持栢種至 再和潘欽州

下昭亭舟中 和寧國山六題

寄吳正仲 湯秘校遺筆

艤舟昭亭 和公擇察推

謝晏太祝遺茶具 留題開元平雲閣

送黃生 別張景嵩

別鍾京 江口遇劉都紘

送劉紘曹 寄開元寺明師假山

寄李獻甫

行路難

題姑蘇豹隱堂

雨還

哭笑鳥

山行冒雨至村家

鴉啄蛆

夜坐

八月十五夜有懷

題吏隱堂

詠嚴子陵

與潯陽舍弟別

八月見杜鵑復開

記歲

種胡麻

詠達觀禪師

顏公遺茗

送達觀歸隱靜堂

冬至感懷

冬至得三友書

擬水西東峯亭九詠

和達觀還山見寄

九華陳生寄松筆

古柳

放鵲

聞西山虎

凍禽

登乾明碧鮮亭

隱靜遺枇杷

夢中

紅梅

寄文鑒大士

海棠

送餘干李少府

目錄終

宛陵先生文集卷第三十六

送方進上遊廬山

長風沙浪屋許大羅刹石齒水下排歷此二險過
湓浦始見瀑布懸蒼崖繫舟上岸入松徑三日踏
穿新蠟鞋路盤深谷出嶺望後山日照前山霧偶
逢風雨恐衣濕側倚石脇人相乖兩收不覺在高
處却見童僕提携借水聲不絕鳥聲好藥草香氣
侵人懷老僧避俗去足跣野客就澗開門闔樹豈
隱映見寺剝層層杳杳躋雲階塢田將穫烏雀橫
秋果正熟猿猿東林淡壑應似舊唯此足以待

爾儕子心洒落撒然往我方塵垢難磨措

讀日者傳者俞生

宋忠為大夫賈誼為博士同與休沐下訪卜長安
市吾不如二人讀書無舉跬借曰當乘肥乘肥非
我指唯思泉石間坐卧松風美

隱靜山懷賢師自持栢栽二十本種於會

慶堂

新作齋堂祠畫像又興高閣秘天蹤今朝還藉君

移栢昨日已因鵝種松近以羣鵝換松植於路傍

九月六日登舟再和潘欽州紙硯

文房四寶出二郡邇來賞愛君與予予傳澄心古
紙樣君使製之精意餘自茲重詠南堂紙將今世
人知首尾又得水底碧玉腴溪匠畏持如抱虺拜
貺雙珍不可辭年衰只怕歎歛鬼

九月十一日下昭亭舟中

平生山野性坐卧愛流水適從昭亭來興自明河
起小舟浮輕槎身入星辰裏飲牛誰家即照鬢誰
家子隔岸心相望翻然洲鵲喜灘頭磷磷石欲贈
畏指毀留取自支機成都無卜士

和張簿寧國山門六題

山門

按碑本執轍作二執雙時作雙壁第六句作田外峯巒回抱為陳卑尊尊當從碑本

青山中穴為大門下通軌轍高莫論飛雲出納不
計限雙峙平削無刀痕入門復見田園美田外峯
巒迴抱尊棲靈畜怪不可詰夔魑往往來守闔

紫雲巖

高崑日照雲常起吹作蘭花透紋綺橫為步障看
未收山雨一來風滿耳

夕陽巖

日脚射空金縷直下映壁間梭未織野老先知雨
又風明朝望此重一雲黑

朝陽洞

洞門雖向扶桑開洞深不放陽鳥入古來道士今
莫逢石壁乳流苔正濕

漣漪洞

流泉泱泱出洞底自有細浪非風吹山花逐水到
山下漏泄人間春未知

碧雲洞

誰將萬古倚雲劔刺破蒼石天窻開下貯泓淵不
可極有時月漏清光來

吳郡將離宣城寄吳正仲

吳均詩語多奇揭苦倩鴛鴦謝明月昭亭川上此
禽閑為寄吳郎我西發西歸千里浮輕舟夜觀蟾
光逆水流水流東海月西海各去雖殊意常在月
偏皎皎隨人行水亦汙汙非浪改酒盆龍杓閑到
吟梅花重葉將誰采

湯珙秘校遺沉水管筆一枝

沉香細榦天通中束毫為呼諸葛翁久從海上厭
持握乞與阮籍書途窮物珍豈宜賤子有更後應
合歸主公虛堂淨几塵不到硯傍置架珊瑚紅乃
知用遇自有處君今莫歎居蒿蓬

艤舟昭亭送都官暫歸錢唐

前枉大梁城詩賦嘉入幙茲對昭亭山將行還有
作別離此與彼終始情不薄我為解羈馬君乃高
飛鶴塵蹄未能息健翅懷棲泊尋巢望吳田一傍
華亭郭況多舟頂離坐着翔寥廓

依韻公擇察推

君來何所聞君去何所見自古慕虛名往往輕既
面竊常恃賦稟平直如勁箭是以五十年長甘守
貧賤相逢嗟未幾遽遠劇飛電今雖行已晚多謝
勤相唁

晏成績太祝遺雙井茶五品茶具四枚近
詩六十篇因以為謝

始於歐陽永叔席乃識雙井絕品茶次逢江東許
子春又出鷹爪與露牙鷹爪斷之中有光碾成雪
色浮乳花晏公風流丞相族以此五色論等差遠
走犀兵至蓬巷青弱出篋封題加紋柘冰斲作精
具靈味一啜驅昏邪神還氣主讀高詠六十五篇
金出沙已從鍛鍊出至寶終老不變傳幽遐自惟
平昔所得者何異瓦礫空盈車滌心洗腑強為答
愈苦愈拙徒興嗟

留題開元寺仙人平雲閣

背市面山色平目觀白雲漁舟溪上歌游客欄邊
聞俯蒼翠栢瘦蔓籬秋實著偶來心意靜塵慮如
掃空

送黃生

我本東西南北人窮途不復淚露巾亦知車馬有
行色為見長沮與問津

別張景嵩

我雖識君晚君能知我心我心昭亭水見底無尺
尋照之不為隱測之不為深魚鮒既混混藻荇亦

侵侵終當至滄海浴日開黃金君當下灘去石浪
激寒音猶能洗君目病醫雲銷岑

別鍾京

我憐鍾氏子冒雨為求文暫以經茲邁與之書
所聞野鷗窺筆硯舟子采蒿芥況有新炊飯筆漿可
送君

江口遇劉紉曹赴鄂州寄張大卿

我同陶淵明遠憶顏光祿得錢留酒家醉卧江燕
綠故人已貴身獨賤籬根枯死桂花菊孤鴻飛去
鸚鵡洲寄聲高樓謝黃鶴使君本是洛陽人嘗
醉酌銅駝曲休將玉笛城上吹武昌老人聽不足
已知清音通九霄定應悔說新州竹

送劉紉曹

溪邊前日君辭我江上今朝我送君自去蘆洲寄
消息故人猶在武昌軍

寄題開元寺明上人院假山

石是青蒼石山非杳鶻山諸峯生鏡裏小嶺傍池
間雨不因雲出門疑為客閑何須費蠟屐暫到此

中閑

寄李獻甫

何言自我去眼前一似空城中豈無人過目猶飛
蟲又歇塵事多枳棘生曾中安知秋江水淨碧如
磨銅尚恨有世累不及垂釣翁望望當速來止琴
視孤鴻

行路難

途路無不通行貧足如縛輕裘誰家子百金負六
博蜀道不為難太行不為惡平地之一錢寸步隣
溝壑

題姑蘇豹隱堂

青山崔嵬藏古基文豹不見空斷碑華堂重構猶
隱霧地今易主還好竒欲邀明月一去飲常娥將
悔出海遲谿邊少年意氣在來往只借白鹿騎自
稱山人具肴酒酒酣請我留此辭謫仙墳近何可
問當日無詠亦所疑

兩還

兩濛濛兮欲暮路險絕兮深泥嗟予僕兮甚饑畏
予馬兮顛蹄閑已度兮心緩家將至兮涉溪喜騰
前兮童稚餉燈下兮女妻

哭笑鳥

日月轉入地星辰蔽重雲夜色晦若漆怪禽巢未

焚其音哭且笑哀樂誰能分方哭且笑時曾莫有
以羣哭為何所悲笑為何所聞了不預人事吉凶
誰復云

山行冒雨至村家

雨急芹泥滑禽鳴苦竹秋野香生草木雲潤上衣
裘入石纔通馬穿林忽隱牛山家多淺井下照碧
峯頭

八月九日晨興如廁有鴉啄蛆

飛鳥先日出誰知彼雌雄豈無腐鼠食來啄穢
廁蟲飽腹上高樹跋背噪西風吉凶非予聞臭惡在

爾躬物靈必自繫可以推始終

夜坐

夜久方慮寂空堂燈燭明落葉有暫響暗蟲無停
聲力學不為己甘貧且徇名聊為詠懷篇還想阮
步兵

八月十五夜有懷

天為水蒼玉月拖潭面冰萬里絕瑕玷百文已澄
凝山河了然在星斗光莫增借問九州內豈無陰
雲興絢懷去年秋是夜客廣陵太守歐陽公預邀
三四朋乃值連連雨共飲陳華燈既醉公有詠屬

和予未能強賦石屏物固慙無所稱今來宛溪上
聊以故歲微晶明正若此霖霖且何曾美景信難
并康樂語足憑

題吏隱堂

新堂生虛明未悟追隱吏無乃隱非時唯應喧可
避移花莫傷根種竹不改翠床中置素琴亦見陶
潛意

詠嚴子陵

不顧萬乘主不屈千戶侯手澄百金魚身被一羊
裘借問此何耳心遠忘九州青山東寒灘濺浪鷗

素鷗以之為朋親安慕乘華輶老氏輕駭馬莊生
惡犧牛終為蘊石玉負古輝巖隈

與潯陽舍弟別

昭亭潭上水下與九江通去客解輕軻落潮乘順
風迴頭迷遠樹沒背見飛鴻寂寞還蓬巷桓彝宅
近東

九月十八日山中見杜鵑花復開

山中泉壑暖幽木寒更華春鳥各噤口游子未還
家云誰未及還對此重興嗟何必因啼血顏色勝
曙霞

記歲

買臣四十八猶苦行負薪我免以樵給食君年與
均道士不謳歌妻亦無恙嗔三者固異彼異同雙
朱輪

種胡麻

悲哀易衰老鬢忽見二毛苟生亦何樂慈母年且
高勉力向藥物曲畦聊自薈胡麻養氣血種以督
兒曹傍杖延扶踈脩篔簹索韜霜前未堅好霜後
可炮蒸誠非騰雲術顧此實以勞

達觀禪師曇穎集隱靜蘭若或言自此彌

猴散走不來穎嘗哂曰吾知是山枇杷為
多始至也未實故其去將實也必群集後
果然穎惡乎俗之好異恐傳以為人或欲
予詠而播之

隱靜山中寺彌猴往往過導師歸以去盧橘熟還
多禪地寧求悌居人切莫訛未嘗嫌此物任挂古
松柯

穎公遺碧霄峯茗

到山春已晚何更有新茶峯頂應多雨天寒始發
牙採時林猶靜蒸處石泉嘉持作衣囊祕分來五

柳家

送達觀禪師歸隱靜寺古律二首

初逢洛陽陌再見南徐州
所歷幾何時倏去二十
秋今復振霜屨還山遠
莫留我詠阮公詩物靡必
沉浮誰云西海魚夜飛東海頭
世人嗟識昧豈是
滯林立

栗林霜下熟歸摘禦窮冬
帶月涉溪水過山聞寺
鍾未嫌雲衲濕已喜野人逢
且莫似盃渡滄波無
去蹤

冬至感懷

銜泣想慈顏感物哀不平
自古九泉死靡隨新陽
生稟命異草木彼將羨勾萌
人實嗣其世一衰復
一榮

冬至日得師厚宋次道中道書

水國欲為雪野冰將合
河人同一陽至淚向八行
多朋意今猶在年華悵似
過看看四十九應笑此
蹉跎

擬水西寺東峯亭九詠

垂澗藤

澗深連石壁石上生長藤
孤猿來自熟緣飲下復

登嶺無樵人跡且免束薪蒸

嶺上雲

我來東峯下遠見西嶺頭白雲忽已合向此偶逢
留人誰問何有自可忘殷憂

林中翠

萬木總柔翠況復新晴時日色照欲動山氣歛還
遲望之如何攬舉袂隨風吹

棲煙鳥

班班遠林鳥極目波煙中各識時早暮不忘巢西
東推物得真意吾將效陶公

古壁苔

陰壁流暗泉古苔長自好不改春與秋何如路傍
草空山正幽藹淨綠無人掃

幽徑石

緣溪去欲遠磊砢忽礙行旁臨側身險下忽寒流
聲幽客慣來往同此猿鳥情

寒溪草

青青色堪染欲辨不知名根陰託乳魚水底抽新
萌康樂池上詠獨與春夢成

陰崖竹

青崖竹

背嶺斷崖下老竹生扶踈孤根石上引勁節松不
如莫言霜雪多終見綠有餘

臨軒桂

山楹無惡木但有綠桂叢幽芳尚未歇飛鳥銜殘
紅不見離騷人憔悴吟秋風

依韻和達觀禪師還山後見寄

雲歸在高嶺人見是無心矯矯將棲鳥遙遙傍故
林南方雖有暖臘月易成陰惟恐多風雪幽期未
可尋

九華隱士居陳生寄松管筆

春松抽瘦梗削束費長毫雞距初含潤龍鱗不自
韜嘗為大夫後欲寫伯夷高一獲山家贈令吾媿
汝曹

古柳

岸側古大柳誰種臨長江中自出蠹竭百歲成枯
腔忽值漲流沒槎牙綴旌幢腹膚藏蛟龍半夜雷
砰訇飛霆痕尚白如斬馬陵龐倏爾巨電至萬弩
聲裂缸又為狂風摧所殘惟朽椿卧榦越大鼎絕
續不可扛就藁以照漁駭鱗一何尾始知網罟細
未足禁突撞隆準以脫去城下徒焚降我從洲上

泊昏曉睨船窓始終覩變毀欲賦挑殘缸吾交評
韓詩險韻古莫雙安得共詠此但嗟各他邦

放鵲 并序

烏鵲啄豆于槽園夫患之以機得鵲其群噪如救
為下上突掠甚急知不可脫聲蓋哀予閱之命釋
縛放去因為之辭

鵲為禽之靈智兮胡蹈機而不知為庸皂以困束
兮固性命之將危喜遠人之至止兮始屢驗以如
期向何預覺兮此何自昏豈專心以謀食兮昧日
前之禍根苟所履必慮患兮莫若去人遠以圖存

屑餘秣以致死兮誠咎爾而無耻維群鳴之苦傷
兮使吾心之測爾予測孔孟兮爾自解則艱皂聽
予言兮釋爾而還撫爾况爾兮爾無甚頑後誰恤
爾兮拓彈方響

聞西山虎

猛虎畏白日孤客莫夜行彼以不暴衆此何獨忘
生飢必見人食不食且無名麋鹿能遠遁安得逢
怒獍由人不由常役役官有程

凍禽

高樹繞吾廬薄暮煙氣重將棲立傍巢已振窺

落翫有來同枿枝亦各不偃擁颼颼陰風寒夜雪
豈無恐

登乾明院碧鮮亭

餘喘不苟盡順信來飯僧東嶺有上方脩竹蔽觚
稜下有蒼石案旁挂孤蔓藤繫累向塵世更住殊
未能

隱靜遺枇杷

五月枇杷實青青味尚酸獮狻定撩亂欲待熟應
難

正月十日五更夢中

今年花似去年新去年人比今年老我勸厚地一
盃酒收拾白日莫苦早

紅梅

家住寒溪曲梅先雜煖春學粧如小女聚笑發丹
脣野杏堪同舍山櫻莫與隣休吹江上笛留伴庚
園人

寄文鑒大士

讀書夜寂冷無火捲卷遂成搖膝吟始憶高僧將
偈去安知古寺託雲深寒堂正睡遠鍾發野鳥亂
鳴殘月沉明日呼兒整籃輦欲煩重過小溪陰

海棠

江鶯入朱閣海棠繁錦條醉生燕玉頰瘦聚楚宮
腰曾不分香去尤且着意描誰能共吹笛樹下想
前朝

嘗於宋宣獻宅見圖書明皇於海棠
花下臥吹觴篋寧王吹笛黃梅錦

送餘干李少府

作尉古來清況於干越城舟中雨新足溪上水初
生蒼獺出還沒素鷗飛且鳴休將五色棒欲取洛

名

全陵先生文集卷第三十六

全陵先生文集目錄卷第三十七

與二弟過溪

晚坐北軒

與諸弟訪唐教

至廣教尋古石盆寺

題王介夫蒙亭

元陽和欲行舟者

黃鶯

送懷賢上人

送瑞竹長老

鷺

守宮

夏園

孔子廟震

寄酬晏殿丞

答李冲求寄茶

送闕令之潭

乾明院碧鮮亭

得餘干李尉書

南軒盆植蓮

朝天行

會勝院沃州亭

江南雜感

和達觀山中見寄

送萬諤昌秀才

訪石子澗外兄林亭

和瑞式上人十詠

得晏相公書

訪施八評事

贈陳逸秀才

題陳宰戲綵亭

未慶松風亭

寄松林長老

題松林院

永州王守寄亭記

望潘樂二君

過未慶院

廖宣城寄酒

翠竹亭

彩霓亭

留別樂和之

松風亭

雪中懷真上人

別施八評事

春日拜壠

昭亭祠喜雨

若訥上人彈琴

發昭亭

乘舟訪聰上人

過鴈洲

別達觀文鑑

和文鑒贈別

目錄終

宛陵先生文集卷第三十七

與二弟過溪至廣教蘭若

溪水今尚淺涉馬不及鞦岸口出近郭野徑通平
田行行渡小橋泱泱響細泉萬木陰古殿一燈明
象筵長廊顏頽碑字體家法傳空堂裴相真白髯
垂過咽名跡兩不滅豈獨盡與鶴高僧鑿崖腹建
閣將雲連秘此龍鸞迹足使臣僕虔脩竹間長松
森衛若被堅是必神物護禹穴空歲年飯訖過山
後井傍携茗煎探幽偶轉谷忽視昭亭巔蔓草不
識名步側時得牽幽禽聲各異可辨唯杜鵑似鷺

俗客來聒聒兩耳邊弊廬隔城堞畏暮遠言還道
逢張羅歸鳥媒兼死懸遂同山梁雉令我復喟然
聊追一日事書以為短篇出次空齋
晚坐北軒望昭亭山昭亭山在縣南
少客兩京間孰游嵩與華歸來宛溪上厭往昭亭
下何以厭昭亭裏遲倦驅駕况復慙詠歌嘉辭前
有謝咀嚼在人口甘美如食蔗方同陶淵明苦語
近田舍節行固不變出處亦多怕常防惡少年豪
橫使出跨譬如故將軍尚被亭長罵不若守弊廬
讀書至中夜

與諸弟及李少府訪廣教文鑒師

山僧邀我輩置酒北陶潛紫葢老堪食青梅酸不
嫌野蜂時入座崑鳥或窺簷薄暮未能去前溪月
似鎌

至廣教因尋古石盆寺

古寺近田家山尋石盆差化蟲懸縊女啼鵲響縹
車僧坐樹間石馬行溪畔沙野香無處辨歸路傍

城斜郡人不知古石盆寺在此山之傍舊基存焉山中

石盆寺其側亦云裴相井者恐非是何則杜牧有石盆
山詩是寺因山名也從近城莫究其由

俗記

觀王介夫蒙亭記因記題蒙亭

吾年將五十尚未暇讀易一聞蒙亭說乃見適所
適維時明進退豈不在泉石野服製升越山庖盛
雞蹠床頭龍唇琴案上科斗籍風物稍佳時把酒
會三益况以兄為郎仕也人豈迫重之愛之深自
匪逢時客

亢陽和欲行舟者

春秋書閔雨見先王制有意在黎民山川無不
祭今者望雲霓青天絕纖翳為壇割舒鴈盤血陳
水汭于時頗精虔奠爵必親浼向夕有微陰掃然
還復霽吾聞先儒言陽驕不能閉此時繫穹昊已
力安所詣宣王雲漢詩曾不鑒上帝恨無昇盪舟
空自思躍蛟

黃鶯

內家初上翠微宮樹裏窺人在半空笑語漸高無
約束侍臣偷望向雲中
西鄰少年今出遊東家女兒未識羞門前烏臼葉
已暗日暮問誰牆上頭

送懷賢上人歸隱靜兼寄達觀禪師

適從山中來復向山中去為報山中人莫歇山中

住近城塵土多亂爾煙霞趣野蜂銜漆汁尚欲為
帶固息此可以安其能忘我論

送瑞竹長老歸當塗因寄徐著作

謝傳青山路春來蔓草生樵蘇猶不入瓶錫莫能
行朝上野舩去宿逢溪雨鳴多應見康樂曾重遠

公名

和師承嗣達觀
魏徐君頌稱之

鷺

桑間小婦好聲音映葉穿枝意已深盡日呼郎郎
不應蕭蕭風雨到前林

守宮

嘗聞漢武帝偶問東方朔臣擬作龍呼慙無頭上

角

夏園

夏園甘果熟日覺樹林稀休笑道修李無人摘自

肥

孔子廟震

宣城

霹靂下虛殿破楹非夢凶昔嘗瞻畫衮今實見升
龍隱隱雷聲散踈踈霧氣從予知仲尼廟不是蓄

乖慵

寄酬睦州曼殿丞

渚潭吐明月杳杳及吾廬流彩滿懷袖託情非鳥
魚朝因南澗雨暮入北畦鋤豈不藉餘潤况茲方
飢蔬

李仲求寄建溪洪井茶七品云愈少愈佳
未知嘗何如耳因條而荅之

忽有西山使始遺七品茶末品無水暈六品無沉
相五品散雲脚四品浮粟花三品若瓊乳二品宰
所加絕品不可議甘香焉等差一日嘗一甌六腑
無昏邪夜枕不得寐月樹聞啼鴉憂來唯覺衰可
驗唯齒牙動搖有三四妨咀連左車髮亦足驚蹀

踈踈點霜華乃思平生游但恨紅路賒安得一見
之煮泉相與誇

送闕令之潭州寧鄉

秋風逆水急挂席飛鳥輕三江去雖遠一日行幾
程朝辭洞庭岸暮抵巴陵城長沙古建國地狹賦
薄征邑宰愛民者選薦豈非精既曰處民上固當
知民情民居篁竹間山獠相雜并教道苟未至毫
髮心起爭太剛易斷折太柔難撐撐貴在得中道
於焉無近名聞多不祥鳥似鴉何足驚遠方此爲
常慎勿心屏營賈誼度湘水爲文弔屈平因君寄

盃酒爲我醉賈生

軋明院碧鮮亭

壞衣削髮遠塵垢
蛇祖龍孫生屋後
不等渭川千戶侯
尺椽片瓦何嘗有
方丈東頭一畝餘
中軒四面無牕牖
青瓊作枝鈿爲葉
丹鳳未食蒼鼠走
細藤織榻白晝眠
寢濃鼻息如雷吼
世間百事不歷心
門外寒流徹溪口

得餘干李尉書錄示唐人于越亭詩因以寄題

餘水之干越之鄙
築基相對琵琶尾
琵琶日日有秋聲
鴈過洞庭風入葦
南斗戛湖波不起
長刀刻峯碧耳耳
姱娥夜出在寒溪
青銅瑩磨光幾里
朝因吳客幅蒲輕
滿紙如蠶書可喜

南軒盆植重臺蓮移種池

彤雲赤霧生緒房
朝霞變藥朱粉光
白玉入泥不滿盃
羽蓋哀露明月瑤
濁水一石亂鼃龜
鑿池五丈如斗方
萍根科斗得自在
荷芰明年出水央

朝天行

大車高蓋徐方來
天子雙日延英開
犀靴踏玉陛東陞
從臣賜對論宮市
諫官御史如指排
捧土未能障濁水
大夫言幹天關迴
黃門白望顏色死
始

時暴奪何縱橫有貨晝日不敢行他時五方虵當
酒誰道張郎臨井口巾物官階文破亦將新土未

會勝院沃洲亭

前溪夾洲後溪闊風吹細浪龍鱗活孤亭一入野
氣深松上藤蘿籬上葛葛花葛葛蔓無斷時女蘿莫
翦連古枝當年吾叔讀書處夜夜濕螢來復去

江南雜感

樹頭巧婦棲樹下秋蟲織壞衣游子心千里嘗相
憶蕩子脚出門便作浮萍根憂來憑五兆拜樹賽
黃豚

依韻和達觀師山中見寄

獼豕在塗龍在澤豺狼食肉麝食栢蹄毛與角不
對齒啄膚兩足副以翻既能閑閑住深谷豈使于
于佩鳴玉水邊看虹山雨霽夜與明月歸獨宿門
前重嶺後群峯石樓朱殿藏林中銅絲緊轉轉轆轤
響絡緯秋老喙西風榮利淡薄無易此伎飲甘醲
茲飲水暫將分別向喉舌何異聲色亂眼耳孔孟
久歿言可師千古布散葉與枝今來閉戶自有趣
世上法法非我為

送萬諤昌秀才

志士不戀家安能坐吹咀儒冠難徒行馬骨瘦可
數後僕隔山陂前林遇風雨寒村夜宿時寂默誰
對語

訪石子澗外兄林亭

前日秋水漲昨日秋水落偶來尋隱居尚未乘宿
諾竹底除舊徑藤蔓繫新約馬留岸傍樹風掃林
下籜既能置魯酒又復餉楚餽誰知北南澗照影
似清洛平生愛幽曠歛迹誠非錯

和端武上人十詠

幽谷泉

幽谷有飛泉入溪知幾里跳珠濺木葉激雨霏崑
趾但無箕穎人曾不吝洗耳

古木陰

古木少直枝其下多曲影豈不愛高陰奈此性所
秉千重葉蒼翳誰願憩日末

寒溪石

翠從聳寒溪上半隱寒松下水鳥竝稜角淵魚游穴
罅尋常置庭檻瑣細不知價

孤汀蘋

瀟湘歸去人正值江南春始願逢拾羽今乃見採

蘋寄語柳使君莫恨日已曛

雲際鍾

煙昏青櫟道風急隔溪鍾
征馬未及息猛虎前有蹤
尋聲欲投宿僮僕畏所逢

垂崖鞭

崖竹出石壁根瘦懸青虵
磔鼻露老節斫骨點寒花
少年莫翦去騎殺白羴羆

天外峯

天外一尺峯國中千仞岳
重雲不掩蔽萬里見頭角
世人看遠碧誰識產美璞

秋原菊

不為潭上英不助籬邊醉
獨占蘭杞隣原頭自榮悴
陶令與太鑿逢人豈無意

漁舟火

蘆洲一點明知有漁人
泊江滇杳不分誰方在高閣
是時孤鴈去應認光中落

春溪水

春水冰欲開傍岸已微釋
魚寒未動鱗獸渡時有跡
篙師畏割舟敲拉碎圭璧

十月二十一日得許昌晏相公書

哀憂向二年朋戚誰與書敢意大丞相尺題傳義
廬從來鳳凰鳴不馱寒竹踈茂林多翔鳥要路盛
高車窮巷一如此江深無鯉魚

訪施八評事

施兄今七十近郭隱茅廬懶問齊民術喜看莊叟
書竹間鳴澗水原際見村墟識盡窮通理超然樂
有餘

贈陳無逸秀才

良犬不取鼠其人苦尤之近識固未辨善相又能
知在鹿忘守亢挫足乃馬而士有志功名局縮乘
書詩憔悴未得展磨折忽言卑舉酒一以贈願無
羞爾為

題陳宰戲綵亭

仕宦固已美及親此其難况慕五綵戲而奉興居
安翁喜君亦喜翁食君亦食嗷嗷園中禽口哺心
違九邑大歲幸稔衆賴仁政寬還忘彼赤子如恐
君不歡

求慶僧舍松風亭

誰按黃金微滿指清風度但聽松上聲不知松間
趣野僧何所樂樂此數株樹寧邀俗客來草綠澗

西路

寄松林長老

大松五丈百歲餘小松五尺前時種俱有堅完不
朽心莫以今輕古為重東溪一片寒玉光夜挂高
枝何所用

題松林院

靜遠無塵地青燄續燈木魚傳飯鼓山衲見歸
僧野色寒多霧溪痕夜閣冰吾非謝康樂獨往亦
何能

永州守王公慥寄九嵒亭記云此地疑是

柳子厚所說萬石亭也因為二百言以答

願當留詠

天地磨今古賢愚為埃塵草樹易變改山川無故
新眷言零陵守白髮駕朱輪間來問遺老俯跡哀
昔人昔人者誰歟元和前放臣下上窮幽荒憔悴
楚水濱試觀當此記圖寫未必真最苦來黃溪坐
石數游鱗有鳥大如鵠東向立不跋始買鉅鉤潭
鄂杜難計緡冉溪袁家洞亂石多磷磷深里與涕
白若盡無窮津石渠連崑崙菖蒲被其根窮勝得
其詭眾美誰齊均西澗石為底豈無并與蘋澗崖

如堂席澗響如龍唇折竹掃陳葉羅榻同衆賓其
言粲星斗百歲猶比晨萬石乃淺近尚可資覆巾
而況前所說但恐煩鑄珉

潘樂二君對雪寄聲似欲予賦適方知之

走筆奉呈

南方今見雪北客定思家任凍不欺酒競春先著
花樓高林賦上山近未應遮誰問窮居日西窓墜
竹斜

過永慶院

荒涼舊蘭若古屋兩三重庭下已無栢澗邊唯有

松石塔生薜荔香座缺芙蓉化俗似禪衲破來縫
不縫

雪中廖宣城寄酒

輕舟泛泛昭亭灣春雪漫漫昭亭山寒沙曲渚杳
不辨素鷗翔鷺空中還宣城太守閑窮旅雙壺貯
醞兵吏頽任從六花壅船戶滿酌春色生衰顏醒
時但愛雲水好醉後等與天地閑世間取樂各有
分何必舞娥高髻鬟

翠竹亭

種竹幾千箇結亭三四椽遊人多寂靜啼鳥亦留

連酒有陶公愛林希阮氏賢我來歸路遠躍馬古城邊

彩霞亭

高出巔頭樹俯窺城下溪半山飛急雨舉手弄晴
霓曠望已無極萬緣都與齊自嗟來獨晚征棹苦
言西

留別樂和之

雪消潭水綠輕舸下灘時漸轉青山去還將故國
辭野林看欲動江燕欲逢遲君語隨州體余慙晚
始知

松風亭

冉冉竹連澗森森松蔭崖始聞清吹度似欲綠琴
諧莫識主人意休論高士懷春城百花發薜荔上
陰階

雪中懷廣教真人

蒼山去不遠日日起寒雲堂上看飛雪水邊思練
裙銅餅生薄凍桂火獸殘薰欲往有餘興林幽路
不分

下赤山嶺過渡至石子澗別施八評事

三歲守廬次兩迴來澗邊臨塘愛魚樂近竹見人

賢今我西歸日逢君小隱年重將車馬去驚起野
鷗眠

春日拜壠經田家

田家春作日日近丹杏破顰場圃頭南嶺禽過北
嶺叫高田水入低田流桑牙將綻霧露晝裏蚕子未
浴箱篚收今我還朝固不遠紫宸已夢瞻珠旒

將行賽昭亭祠喜雨

未生潭上雲空望山中雨湛湛陳桂樽坎坎奏鼉
鼓蕭蕭靈風來蹲蹲祝郎舞莫言春作遲但念
寒灘阻何當發泉源綠水浸沙渚不與農者期自

將舟人語定作榜歌行暮投丹湖浦瞻祠草樹失
認嶺煙霞吐平吞東南吳遠帶西北楚川澤見坡
陀龍蛇蹙鱗奪人經興寤數事徃成前古考碑何
驗今塗馬立空無余知骨相貧豈敢望冥許願乘
溪流深滂沛隨徹俎

若訥上人彈琴

祥哀已踰月遇子彈鳴琴安得不成聲子心異吾
心十日成笙歌尼父非好音先王禮有節不可過
於今莫作風入松懷壠情未任一聞流水曲歸思
在溪陰此焉吾所樂目極送歸禽

發昭亭二月十三日

春泥深一尺車馬重重跡親舊各還城山川空向
夕今朝水平岸不畏舟礙磧始隨湍漲發已入青
蒼壁落日未逢人孤村望來客泱泱漫田流青青
被壟麥欲霽鳩亂鳴將耕杏先白我無農畝慙千
里事行役寄謝昭亭神果不吝深澤

乘小舟訪松山法聰上人

我從溪口來正值山前雨濕衣逢梵宮有僧善吳
語天寒蜜已空軒靜竹可數歸楫難久留汀鷗自
飛舞

過鴈洲六言

舩從鴈洲北去鴈背春風亦歸但見平沙綠水蘆
蒿荻笋方肥

別達觀文鑒二大士

雲衲山中來畫橈江上發何日到山中山花應未
歇

依韻和文鑒師贈別

來見寒沙鳥長隨上下波乃知游宦跡不似施松
蘿子語馬喻馬吾吟柯伐柯清江挂帆去奈憶故
山何

宛陵先生文集卷第三十七

和詩友人

宛陵先生文集卷第三十七

和詩友人

宛陵先生文集卷第三十七

宛陵先生文集目錄卷第三十八

贈表大監

和達觀贈別

蕪湖阻風

和達觀文鑿見懷

讀月石屏詩

自此皇祐五年五月至京後

暴雨

和宋中道喜至

齊國公主挽詞

招隱堂寄樂郎中

貸米於如晦

送渭州劉太保

送張洞晏相辟

送張著作宰蘄水

和瘦盆

太廟致齋答韓舍人

送張著作宰上元

劉原甫觀相國寺

和裴如晦秋懷 送張寺丞青幕

送徐秘校廬州監酒

子華江南安撫 周仲章潤州倅

弟著作宰南陵 鄰幾有菊無酒

五知堂 贈陳孝子庸

和原甫過相國寺淨土院

李端明席上花燭 送李祠部滑州

送王正仲長官 廡後木芙蓉

傷驥 陳丞相燕息園

和普上人古琴 和胡舍人見信

題三教圓通堂 設贈示坐客

杜挺之新得和州 鄰幾邀食餛飩

幽廟 十月十八日

送鄞宰王殿丞 金陵與張傳師飲

阻風寄刁安國 阻風秦淮

江上遇雷雨 登瓜步山

目錄終

宛陵先生文集卷第三十八

贈袁大監

人以祿爲榮當知身所重祿榮身且勞豈要權衡
用達人唯止足曷顧百鍾俸今朝西山歸芝木不
須種莊生逸老言此必久已誦矩法况自持推年
心可縱

依韻和達觀禪師贈別

平生少壯日百事牽於情今年輒五十所向唯直
誠既不慕富貴亦不防巧傾寧爲目前利寧愛身
後名文史玩朝夕操行蹈賢英下不以傲接上不

以意迎衆人欣立異此心常自平譬如先後花結
實秋共成趙壹雖空囊鄭子豈其卿二人貧且隱
高譽動天京我蹟固尚賤我道未嘗輕力遵仁義
塗曷畏萬里程安能苟榮祿擾擾復營營近因幾
已除偶得存餘生強欲活妻子勉焉事徂征徂征
江浦上鷗鳥莫相驚

蕪湖阻風

春風任惡花自笑白浪不愁頭已白戢戢大船江
浦邊崑崙五兩誰非客

依韻和達觀文鑒雨中見懷

出浦候波平石尤風未止密雨長蒲牙輕泥隨燕
子寒侵遠客衣岸起新痕水各各欲還山還山能
幾里

讀月石屏詩

自此起皇祐三
年五月至京後

余觀二人作詩論月石月在天上石在山下安得
石上有月蹟至矣歐陽公知不可詰不竟述欲使
來者默自釋蘇子苦豪邁何用強引犀角蚌蛤巧
擬析犀蛤動活有情想石無情想已非的吾謂此
石之蹟雖似月不能行天成紀曆曾無纖毫光不
若燈照夕徒爲頑璞一片圓溫潤又不似圭璧乃

有桂樹獨扶踈常娥玉兔了莫覓無此等物豈可
靈祇以爲屏安足惜吾嗟才薄不復詠略評二詩
庶有益

暴雨

雲薄風回雨點麓日腥土氣隨吸呼蒸然襲汗猶
揮珠屋瓦裂響波生渠森森斗覺涼侵膚毛根
癩瘡粟匝軀已知燠寒變須臾雷電不止投笑壺
槐端漏影日向晡馬蹄莫惜行泥塗

和宋中道喜至次用其韻

予從江南來見子東涌榛問子何不洽子兒游洛

瀕子素樂文字而復養慈親去年始陞朝差差陪
縉紳今也與吾肩行立笑語頻未經鬢髮改喜預
班綴新思如曩時會浩飲不計巡往謁持約史文
辭媿彬彬謂將一乘粟欲敵千箱困然而澤中蛇
時得龍一鱗况復周孔教幸逢舜禹展又究志所
之茲學豈不臻誰其起子者視子爲席珍趨韓亦
已工比孟猶欠淳慎勿驚怪竒怪竒世多擯吾慙
遼東豕未見西狩麟汨汨塵泥間曷辨玉與珉昨
來忽有知所素非所循使焉轉磨術安得目不眴
誠聞苑囿美難遣麋鹿馴自惟體素素寧堪事艱

辛宜收踏躑迹却返江湖濱
漫腰水活活漫灘石
磷磷垂釣紅鬢登舉袂白羽
振以此全吾性胡能
往問津非同子少年柯葉正
美秦

齊國大長公主挽詞二首

賢行聞當世尊隆異故常
每介夫結友不爲子求
郎夜月初沉海姑星忽墮
潢關親祖祭悲吹起
脩岡

魯館當年盛秦臺此日遙
龍歸終合劍鳳去不聞
簫挽曲方傳薩行輜竟奠
椒空餘漢官屬蜀沙送馬
如潮

招隱堂寄題樂郎中

日哦招隱詩日誦歸田賦
未嘗見芸人勇拋冠冕
去今聞緱山陰身退効
踈傳一旦從犢車歡言友
田父復來釣澗邊誰問
袁公路

貧米於如晦

舉家鳴鵝鴈突冷無晨炊
太貧而小貧安能不相
唯幸存顏氏帖况有陶公
詩乞米與乞食皆是前
人爲

送渭州劉太保

月黑見旄頭芒角漸西向
八月邊草黃胡人馬初

壯無奈我兵雄方為漢偏將嘗聞登壇人亦未免
得喪得為凱歌還鏡鼓喧亭障下蹄使椎牛百甕
令設醯饗乃軍之羞節制由處上進退從其呼何
能求必當二事非已專願思古挾纊

送張推官洞赴晏相公辟

送子居大梁閔中乃閔外往者邊事繁秦民被災
害今聞獨豐穰逮埃無動旂相公欲動勞請以臨
都會多選天下才佐佑如何賴決疑有全策何必
用著蔡雖病君強行寶刀仍喜帶豈是為俗儒空
言事夸大

送張著作器宰蘄水

予聞楚山竹肉好髮亦勻隴上風雪飽石根莓苔
皴搜林前羽橫吹龍子愁水濱作邑尚簡易豈必蹈
昔人願為李長賦安用瑤與珉

和癭盃

物以美好稱或以醜惡用美惡固無然逢時乃亦
共弃則為所輕用則為所重道聞癭木器器盃盃
歌頌定應初得之買不論官俸饋面生光輝貯飲
發狂縱坐欲置於傍行欲挈以從其形何險怪曾
不因執種凹凸本自然出縮非鬪縫薄才難究窮

詆訶茲實恐

太廟致齋各韓舍人簡

齋舍隔墻東蕭蕭槐樹風聲顏雖不接翰墨處能
通未說涼堪飲唯愁賦少工此焉知素拙試與問
楊雄

送張著作孟侯宰上元

天衢車馬跡急若機上梭義雖平生篤不越一再
過夫子累顧我言歸泛長河得邑美建業風流猶
可歌依稀江今宅秋草應更多五題誰復詠鍾蔣
與嵒峩

劉原甫觀相國寺淨土楊惠之塑像吳道

子畫又越僧鼓琴閩僧寫真予解其詫
吾儕來都下將踰三十春不開此畫塑想予得亦
新茲寺臨大道常多車馬塵設如前日手晦昧已
惑人曷分今與古曷辯偽與真閩緇圖鳳姿越釋
彈龍唇但知五彩爛徒謂五音淳孰識商聲高孰
驚眸子神不能評譜品索玉翻得珉二君才調高
言若羽翮振將今尋常工千歲傳不泯

依韻和裴如晦秋懷

老葉已足蠹風振猶在柯高高低低聲切切感我

多不念四散飛尖圓競相磨當茲思再春宛然同
俟河莫驚衡山鴈莫問洞庭波徒聞漢武帝獨有
橫汾歌

送張諷寺丞赴青州幕

朝廷久清明賢相出賢牧賢牧又選賢森森備官
屬是以邦政脩良農播嘉穀上無租賦逋下有困
廩蓄往者河朔飢奔送劇鳥鴛富公鎮青社有來
咸鞠育病者調藥劑起者飼饘粥老稚四十萬瘦
骨生壯肉鄉縣將遣歸田園皆可復爲之置長犁
爲之置黃犢旣完身上衣又付橐中粟庭下再拜

辭望城皆感哭他人守一方境內猶不足至今趙
魏間食飲常酌祝富公離山東寇盜類任觸堂堂
高平公德業人所伏幙府得才謀螻蟻不勞撲上
體憂勤心掃滅得神速張侯三十餘瑩若無玷玉
八字分濃眉純漆點雙目昨日奉辟書氣貌寧近
俗言從必磊落事果無出縮他時爲書功誰惜千
毫禿

送徐秘校廬州監酒

淮南秋物盛稻熟蠡正肥况身爲酒官醇酎飲不
非儻觀衆人醉徒自使世譏與君伯氏好試以此

言歸

韓子華江南安撫

韓侯出持節志在撫黔黎縣官負弩迎刺史躍馬
隨千里宣德澤煦如春風馳寒潮不起浪怙怙威
馮夷借問何致耳試聽將所爲立車呼父老勞以
哀吟詞我從大明宮天子親諭之憂汝歲屢凶吏
不恤汝疲已輸又索糶困索無子遺此非陛下意
恐使汝輩疑疾苦汝告我不憚爲汝治父老必喜
拜如餒得飼糜我稱此大是一一無不宜南方二
十州歡聲無幼耆壺漿擁大道婦女闖短籬行聞

江漢間復有宣王詩

周仲章通判潤州

昔過京口山斷崖如輦洛抱谷黃芹泥百文聳垠
堦山嶺與江面地脉水可度欲鑿無淺泉孰云南
土薄君爲別乘去便比北州樂已免卑濕憂仍離
鴟鴞惡况逢休明時秋堞罷嚴柝夜愛寒江潮月
臨甘露閣置酒發浩歌萬里波欲卻霜蟬肥可釣
水鱗活堪斫縱飲不須休未應滄海涸終當笑楊
雄窮壁常寂寞更知首陽人薇蕨事亦錯不若阮
步兵醉鞍伸兩脚太守必吾徒儻能時就酌

弟著作宰南陵

新買紫騮馬欲歸清弋江去彈琴鴈獨來認烏鳧
雙毫索實收盈籠濃醅熟滿缸弟兄相憶否風燭舊
西窓

和江隣幾有菊無酒

種菊將飲酒菊開酒無有雖不負爾目且已負爾
口昨日三四人淡坐飢腹吼徒與哦其傍誰能置
升斗當時陶淵明籬下望亦久幸賴白衣人不愧
采盈手悠然事頗同必竟醉則否

五知堂

代人與任少傅

履道坊中白家宅五橋莊北晉公堂昔年二老曾
相樂今日五知名獨光舉事是非都不問接花時
節暫能忙清尊雅曲易爲厭自有圖書列在傍

贈陳孝子庸

康州水邊龍母墳草樹蒙蒙起風雨五色五蛇特
往來野鼠不穴墳上土嗟哉異類猶厚親豈彼人
兮忘恃怙果生陳子孝且仁終日劬劬在民伍天
清天順感其和嘉禾駢枝立如股遐鄉歎慕爲爾
隣太守欣言出吾部中州士人傳以夸照頑燥孽
良有補唯時火德君道明粵南祝融孝所生若然

寧獨一陳生築埃表廬從此數

和原甫同鄰幾過相國寺淨土院因觀楊
惠之塑吳道子畫聽越僧琴聞僧寫宋賢

二公真

青槐夾馳道方轡下麒麟
竭來游紺宇歷玩同
逡巡吳畫與楊塑在昔稱絕倫
深殿留舊迹鮮逢真賞人一見
如宿遇舉袂自拂塵金碧發光彩
物象生精神歲月雖已深
竒妙不愧新驚嗟豈無意振
播還有因乃知至精手安得久
晦埋二僧感識別請以已藝陳
或彈中散曲或出丞相真覽古
仍獲

今夫枉停車輪

李端明宅花燭席上賦

百兩禮將陳王家集上賓
花光濃照席燭艷暖迴
春已接冰壺潤寧辭翠斝
醇自慙持短調重對玉
堂人

送李祠部知滑州

自古重名器未嘗輕授人
煌煌東郡守燦燦兩朱
輪父祖繼居此恩榮誰與隣
秋風度河水馬足不生塵

送王正仲長官

汴渠汴復汭自可見遲速來時遲有糧去恨速無
穀有糧安計程無穀不遑宿霜高萬物枯源水縮
溪谷黃流半泥沙勢淺見蹙澳千里東歸船何日
下清瀆澹澹風雨寒長汀嘯鴈鷺將投孤戍遙四
顧危樯獨強語慰妻奴多虞賴僮僕到家秫已收
綴樹橘始熟折腰無慙陶懷遺焉媿陸我方羨子
行送望不移日

解後木芙蓉

託根地雖卑凌霜花亦茂物稟固不遷人情自爲
陋幸與時菊開誰嗟發孤秀楚人舉木末已見離

騷就

傷驥

駑驥同一軌遲速能幾里當其被問時舉策數耳
耳馳騁心獨存豎抑頭不起空傳八駿名未遇穆
天子

陳丞相燕息園

少仕旣勤勞暮節念君息小車辭漢庭緇衣賦衛
國廣園樹嘉木鳴鳥來野色京水魚可縉東鴈
可弋豈不有秦聲酒酣歌在側寧同扶風人自去
北山北

依韻和普上人古琴見贈

獨爾絃絲為絃九竅耳為軫彈風松颼颼聽水流泯泯欣者舉袖舞悲者欲涕墮若此輒動人于時固能準虞舜今在上南薰思無盡

依韻和胡舍人見唁

西垣閣老號文雄辭體能兼兩漢風絳帳舊生雖授學灞陵歸將已無功校文豈論居三上賦分由來本下中不恨早朝秋雨急猶陪駕鷺大明宮

題三教圓通堂

處中最靈智人與天地參其間有佛老曷又推為

三共以圓通出誠明自包含排楹豎文礎煥采塗朱藍而將置吾儒復欲籠彼耑二徒不自曉恬若均笑談越鳥不巢北代馬不嘶南國亦辨殊土麟鷺唯時堪

設膾示坐客

汴河西引黃河枝黃流未凍鯉魚肥隨鉤出水賣都市不惜百金持與歸我家少婦磨寶刀破鱗奮鬚如欲飛蕭蕭雲葉落盤面粟粟霜葡萄為纒衣楚橙作葢香出屋賓朋競至排入扉呼兒便索沃腥酒倒腸飮腹無相譏逡巡餅竭上馬去意氣不說

西山薇

杜挺之新得和州將出京遺子新芻豆

魯公馬病不可出陶令言拙徒扣門舉家食粥焉
用怪但願漉酒巾常存長安侏儒勝方朔水邊漂
母哀王孫王孫功名立四極方朔談談千至尊我
才不及三二子摧藏自愧趨權閭前時求叔寄粟
粟一秋已免憂朝昏今君益之薪與菽老馬病骨
生精魂昨聞新拜歷陽守玉國久客虱處禪都水
借船輕復淺急趁寒汗流渾渾耳清眼明見野色
一聽江鶴醒若噴餘糧滯鈍不暇惜均於朋契惟

義悖設如河涸膠在步縣邑亦足供雞豚却嗟我
飢有時價莫與太倉黃鼠論

江鄰幾邀食餽鈍學書謾成

老肌瘦腹喜食熟况乃十月霜侵膚與君共貧君
餉我吹蓬不學屈大夫前時我膾斫頰鯉滿坐驚
睨卒笑呼誠知舉筋意淺狹一餐豈計有與無

幽廟

老狐依叢祠妖橫起百怪巢梟助鳴聲穴兔資狡
獍巫給神靈言俗奏飲食拜三年空禱祈萬疾無
愈差臙臊日已熾疑畏誰敢懈近者勇丈夫發揭

窟乃壞始時驚其狂今盡喜其快老茸毛尚存獨
使尾徒大廟貌更一新願以邪為戒

十月十八日

霜梧葉盡枝影疎井上青絲轉轆轤西廂舞娥艷
如玉東楮貴郎才且都纏頭誰惜萬錢錦映耳自
有明月珠一為轆轤情不已一為梧桐心不枯此
心北情日相近卷起飛泉注玉壺

送鄞宰王殿丞

君行問埒鮫殊物可講解一寸明月腹中有小碧
蠓生意各騰騰黔角容夬夬願言寬賦刑越俗久

疲倦

金陵與張十二傳師賞心亭飲

但嗟識君遲不恨春風惡風惡舟未前置酒共談
譚漁歌還浦頭斜日下洲角明朝渡江去相望便
成昨

阻風寄刁安國

江風裂瓦鳴浦口驚浪作君駕何不來客心空寂
寞

阻風秦淮令狐度支寄酒

春風不獨開春木能蹙浪花高似屋江船百尾泊

深灣鐵纜千環繫長軸遠客今朝愁未平主人贈
榼飲還足前時共論酒可禁急世救弊且勿速我
今正得盃中趣効陶種秫置心曲

江上遇雷雨

雷從燕尾來雨到江心急挂帆中路時望浦前舟
入聲喧釜豆裂點疾盜爾立蕩搖魚鼈腥恐懼兒
女泣稍聞人好語出顧岸已及蘆州有同行言信
氣吸吸

登瓜步山二首

瓜步山頭廟堂因魏武興亡歸從赤壁事去憶西

陵軍井藏雲杪林根擁石稜微風認江水細甲幾
千層

山上濃雲合江南暴雨來將歸林下嶺中路遇風
雷心速灣猶遠行遲伴屢催舟師添繫纜兒女望
人迴

宛陵先生文集卷第三十八

宛陵先生文集目錄卷第三十九

韓子華遺冰

宣三館觀瑞蓮

和吳冲卿秋蟲

陌上二女

無悔

弔瑞新和尚

和冲卿新葺南齋

江鄰幾遷居

聞刁景純侍女瘡已

景純期原甫飲

永濟倉書事

和幾道暑夜懷寄

和孫侔鴈蕩

赴景純招作將進酒

薛簡肅夫人挽詞

送淮南孫提刑

詠原甫林檎花

送張寺丞富公辟

送淮南李轉運

重送楊明叔

送董秀才之汝陰

送張子野知渝州

送楊子充知資陽縣

送司馬君實鄆州倅

送陳殿丞知韶州

寄岳州孫屯田

大愚

目錄終

宛陵先生文集卷第三十九

韓子華遺冰

六月侍臣方賜冰我賦得之從友朋開盤一見水
玉璞置坐百步無青蠅熱膚收汗起疹粟不有消
渴同茂陵杜子每思赤脚踏韓老嘗苦如飢丞慙
無二公才與學享此足與俗輩矜

二十二日起居退聞宣三館諸公觀瑞蓮

來朝十二旒將出未央殿微聞嘉蓮開獨許侍臣
見嘉蓮其如何層樓擁霞片玉輦下天泉日晏不
知倦恩魚應亦喜跳沫珠欲濺誰憐與衆歸博士

臣疏賤

依韻吳冲卿秋蟲

梧桐葉未老露滴玉井牀秋蟲如里脊促織何苦
忙苒苒機上然入夜為鼠傷織婦中夕起投梭重
徊徨那聞草根聲膏入然肝腸天子固明聖措意
如陶唐下民唯力穡不見田疇荒豈知哀歎人替
責於健強所以機中女心關日月光年年租稅在
聒耳信已常哀哉四海人無不由此戕吳侯當聽
時靜坐愛初涼方將同佳人歡樂舉盃觴繁鳴雜
蟪蛄感愴情不皇況蒙朝家恩兄弟登俊良意慮

宜恤物以慰眾所望今者秋蟲篇不異七月章

陌上二女

素手寒纂羅柔纖明春萸轉巧動桂葉陽語啓瓠
牽阿姊金盛珠阿妹縑籍圭吹香襲行路豈獨下
蔡迷

無悔

婦人未四十容貌已改前男年踰五十嗜慾固自
偏勿以色敵心色衰心易遷勿以愛恃久愛移久
多慙明鏡知惡看何須妬嬋娟

弔瑞新和尚

示化何悲戚俱焚只衲衣已隨原火盡空見野雲
飛寫影誰方丈栽松舊翠微當年度江鉢弟子獨
將歸

依韻和吳冲卿新葺南齋

移病新秋散直廬自將僮僕治前除已栽楚客江
邊草不學巖陵瀨上漁紅穗拂攔何蒨粲綠叢無
水亦蕭疎從今有月君須飲況與朋親共舍居

江鄰幾遷居

聞君遷新居應比舊居好復此假布囊家具何草
草我貧無囊做來僮笑欲倒所笑還往人生計不

足道非用僮僕知雖貧自懷寶

聞刁景純侍女瘡已

前時君家飲不見吹笛姬君言彼娉婷病瘡久屢
治隔日作寒熱經時銷膏脂鑿師尤飲食冷滑滯
在脾次聞有鬼物水火陰以施乃因道士逐實得
鬼所爲手洒桃枝湯足學夏禹馳呵叱出門牆勿
復顧嘔遺今雖病且已皮骨尚慙羸豈暇理舊曲
未能畫蛾眉當期重相見風月臨前墀

景純以侍兒病期與原甫月圓爲飲

古龍水底鳴素秋江雲不飛江買愁金陵舊族天

祿游家有善笛能娛侯憶侯前年罷姑孰自買斲
州飽霜竹腮肥頂瘦裁青玉鑽鑿商聲五音足牛
渚磯邊夜泊時平波不起月中吹老魚跳舞龜出
泥雌蛟怨泣雄鼉悲新還中都人罕知交親奏酒
隔簾幃丹霄一發妙響馳醉客欲見寧非癡昨夜
劉郎辭玉卮主人勸謝當勿疑渠今纏瘡尚苦羸
他日海蟾圓未遲圓未遲涼肝脾畏肝熱生腦脂
生脛脂不得窺

永濟倉書事

神武立四極收兵銷衆豪輸糧來萬國積庾下千

艘貌虎肥於豢麒麟老向槽中州無殍餓南土竭
脂膏黃鼠群何畏青鳩啄且嚙古梁生菌耳朽堵
出蟻螯樹腹懸蛇蛻絲窠挂鳥毛塵埃雖自汨朱
墨亦能操直宿愁風雨經年弊褐袍仲尼猶作吏
我輩勿爲勞

依韻和礪守王幾道屯田暑夜懷寄

地厚天青冥故交榮謝并何當一壺酒以昔相與
傾君今二千石未往戀山楹山楹夜對月孤懷豈
忘情貴者幾何逝賤者幾何生夏簟且安寢明星
上東城

依韻和孫侔鴈蕩二首

海邊巖絕有蒼山怪怪竒竒物象閑百丈素流珠
噴薄千重紅樹火回環遠尋僧寺石屏下時遇野
人雲屋間今日京華見君說便思輕舸出東關
鴈蕩高高路莫通銜蘆秋翼入雲峯山頭水濶不
見影崑下沙平時有蹤千仞柱天何歛閃萬工揮
筆漫輕濃葛巾蠟屐未能著空羨青蒼重復重

赴刁景純招作將進酒呈同會

日光如鎔金湧上滄海流一朝復一朝鑄出萬古
愁大鑪石破碎世事安得休明月只照夜時時如

屈鉤常娥與玉兔擣藥何所瘳大患不自治更被
蝦蟆偷我思天地間二物最取尤措置尚如此細
故曷用憂著書欲傳道未必如孔丘當時及後代
見薄彼耽周功名信難立德行徒自脩勞勞於我
生帶挂同贅疣不如聽隣笛就其舉盃甌笛不煩
教養酒不煩取求從今醉至春從夏醉至秋勿禁
雞狔魚問薦鷓鴣鴈蕩况多南方物醜腥美咽喉計
較無以過試共阮籍謀

薛簡蕭夫人挽詞四首

蕭公當晉日小吏引輕軒四德有遺美六親無異

言立孤傳世嗣垂軌在閨門澮水終歸樹秋雲逐
去魂

嘗聞求子婿不似怒甘公莫以昔人比比昔爲當世
雄家聲新慶續國禮舊恩隆必與齊姜莫幸秋蟪
樹同

冠劍將朝去常知好直言戒辭猶可託先見久應
存瑩白冰兼玉清芬蕙與孫堂塗從此開何日卜
丘原

美人周詩播魂先岱嶽歸空堂遷舊榻素月照靈
衣珠翠香沉匣丹青影挂幃百年親戚淚併作露

雲非

送淮南提刑孫學士

淮南木老霜欲飛順令恐縱諸侯威命書絕出邸
掾謂已見衣繡車迎歸樂莫戒聽筵莫迂清如蟾
蜍夜吐暉不須久作平反吏自合橫經親帝闈

八月三日詠原甫庭前林檎花

秋蠹無完葉踈叢有瘁莖偶來庭樹下重看露葩
榮衆自守常理獨開偏見情從今數霜月結子尚
能成

送河陽通判張寺丞從富公辟子諒

張公愛神鐔佩服近玉麟又拭華陰土光彩一以
新百里無惡獸千里無冤人今朝欲何之去上延
平津應當出匣飛騰波決秋旻

送淮南轉運李學士君錫

王都重兵廩命使總八方佳南舟車衝三楚籠利
長惟時有才彥數計等桑羊八月賜詔行朱旆插
大航汴流入秋漲東鼓下鏜鏜今日發大梁明朝
過睢陽睢陽授經地父老認道傍同業八十八或
貴或爲郎先生歿大官弟子無荷囊乃知詩書
傳要在明三綱隋未聞仲淹來學去佐唐唐初

稱名臣鮮及杜與房親見慕義人專門起輝光我
聞房杜流已顯惟王張雲漢幾萬里星宇爭耀

芒歸來立螭頭莫愛魚稻鄉

君錫與王伯庸張端明同在睢陽希文講下

重送楊明叔并序

行而有以贖者助所不足也車馬子有裘服子有
貨貝子有所可贈者詩言爾故先爲七言以送將
以道彼美而樂乎往也子不爲重邀予以規又作
五言應其請

若將會稽去舊蹟可以嬉子因狀其美贈之臨路
收子不以爲樂但願有以規噫吾豈無說畏子未

及禪既求不語子吾曷忍子欺前年子渡淮夜泊
洪澤湖有鬼稱使者來告風波期子時再拜謝乃
被隣船嗤遠巡鬼復至復附船家兒怒彼慢嗤上
明當使驚危船兒傍舷迴走若一足變翌日各解
舟出浦風動旗子獨乘安流彼受橫浪吹此事非
子傳焉得他人知昨逢令弟蘊備述果不疑越俗
素重鬼慎勿啓其私子口有仁義子腹有書詩子
嘗談工道怪語固未宜近聞蘇才翁問子辟者誰得
非外戚侯子怒已翠眉今我倘得罪甘與蘇同之
送董傳秀才之汝陰

杜燕已歸盡秋鷺猶繞林久爲梁國客不起灞陵
心徒步赴朋館遠遊無橐金江君丈人意莫入楚
鄉深荆幾常
止此行

送張子野屯田知渝州

舊居若溪上久客咸陽東歸來得虎符馳馬向巴
中歌將聽巴人舞欲教渝童况嘗善秦聲樂彼渝
人風忠州白使君竹枝詞頗工行當繼其美貢葛
勿怒怒

送楊子充愈知資陽縣

家近古臨邛聞多木蘭樹其人龍衣芳馨乃有相

如賦成名三十年始見列駕騶馬出爲資陽長秋
鬢已點素天子愛黔黎歸與蜀民諭當時同洛陽
過半作立墓屈指今所存無如君取故唯酒可餞行
不飲車空駐

送司馬學士君實通判鄆州

君家世典史君復續祖爲蘭其墓未成書汝陽從已
知將行我何贈一誦溪堂詩聞彼多蒲魚可助鼎
與危在昔阮嗣宗初赴東平時醉扶乘蹇驢圖畫
猶可披今見國門外徒馭不驅馳十里馬一歇五
里車一胎不得同鴈群相送過寒陂

送陳殿丞知韶州

從益

韶州使君行請問韶石名傳聞古帝舜石上奏九
成鳳皇爲之下朱鳥不復鳴舊祠亡玉琯四序安
得平至今南方熱臘月裘服輕事外共廢酒曲江
風物清

寄岳州孫屯田

琳

從來洞庭好都在岳陽樓明月一千里寒光三萬
秋年華有時盡風物不知休太守怜予句應如沈
隱侯

大愚

大愚不量能品藻輒已出朝以軻為同暮以丘為
四其人豈鷹雀鳩蛤化五日指鹿危二世師散造
新室雖云詐力尚終日殞斧鑕

宛陵先生文集卷第二十九

宛陵先生文集目錄卷第四十

寧陵阻風雨

新霜感

過淮

淮陰

杪樞樹

就野人買兔

使風船

淮陰侯廟

又平律一首

入滿浦

許發運見過

登泰山日觀峯

重過瓜步山

發長蘆江口

龍女祠祈順風

西施

金陵三首

丫頭石

漫書

雪中發江寧浦

登采石山

劾阮步兵

阻風宿大信口

早發大信口

黃池月下共酌

泊昭亭山下

送鹽官劉少府

和酬杜太師

和簽判謝雨過

和正仲重臺梅花

讀重臺梅花詩

和重臺梅花

和荅正仲見贈

正仲靈濟觀重臺梅

和文鑑喜予往還

和達觀穎師

題邵氏園居

嘗正仲惠撥醅

和正仲寄酒

春雨

春夜聞雨

早春田行

目錄終

忽奄逝撫膺呼裂喉未能一物備迷亂將安投艱
窘見風義乃有令朋倚致賻或錢帛最力李與劉
廷老禁省及石渠奠助日不周裴楊乞銘蓋文篆
原甫古復道如晦潭饒兩大艦朝索暮泛浮哀憐荷君子
才德慙未脩三日遠大梁兩宿此遲留聊書同此
挽試託楚人謳

新霜感

前日衣上露今日衣上霜我母魂何之膏火糜我
腸隔棺三寸地如在萬里鄉嗥呼不聞聲飲食空
置傍昔時憂我寒縫衣紉線長線長必絮厚要與
風霜當又每恐我飢羹臃自調嘗此身內外間草
得頃刻忘舉衣不忍着舉筋不下吭一念百感生
欲問天蒼蒼

過淮

侍親數數來浮汴護櫬迢迢復渡淮旨蓄曾無御
寒具細君唯有隱居釵月街遠入魚街浪潮退長
汀蚌閣崖素服華顛色相似青銅不忍見形骸

淮陰

天下滔滔久厭秦英雄蛇鼠竄荆榛少年豪橫知
多少不及沙頭一婦人

杪樺樹 李邕有碑

杪樺古樹常占歲在昔曾看北海碑今日四方
俱大稔不知榮悴向何枝

就野人買兔

霜濃草白兔初肥蒼鶻調拳獵犬攜剩付錢刀買
庖餽不須緣徑更求蹄

使風船

清淮直上水連天坐看高帆後復前自是乘風有
遲速不由人力愛爭先

淮陰侯廟

韓信未遇時忍飢坐垂釣歸來淮陰市又復逢惡
少使之出胯下一市皆大笑龍蛇忽雲騰蛭蝓豈
能料亡命乃為將出奇還破趙用兵不患多所向
孰敢標功名塞天地翦刈等蒿藿乎今千百年水
上見孤廟鷺銜葭下魚相呼尚嗚叫高皇四海平
有酒不共酌古來稱英雄去就可以照

又平律一首

漢家天下將廟古像公主百戰自忘楚一時空王
齊鄉人奏簫鼓舟子賽豚雞不改寒潮水朝平暮
復低

入滿浦

馬頭攬岸斗鷲尾泊船齊風送寒潮急雲藏晚日
低逢人多楚語問客煮吳雞難覓枚臯宅蒼葭處
處迷

許發運待制見過夜話

許公運國儲歲入六百萬上莫究所來下莫有剝
怨十年無纖之功利潛亦建昨除侍從官聊為磨
世鈍比於以舌得此豈愧物論較量多少間未足
數劉晏大計苟窘費曷不使預筭欲倍即能倍但
勿感謗訕擾民可以奪食官可以竄要付與權衡

一切出果斷嗚呼任智力長短固有限制財猶制
兵太甚則生亂公譬淮陰侯多多自益辨我今聽
其談夜去為扼腕書之俟采詩咨訪不可緩

登泰山日觀峯

并序

予泊瓜步山下夢王景彛問韋應物日觀峯詩予
即誦知語不屬謂景彛曰當為檢韋集覺而函閱
韋集無此題尚記夢中所誦首句云晨登日觀峯
遂續補之

晨登日觀峯海水黃金鎔浴出車輪光隨天行無
礙正視刺我目攢集如劍鋒照曜萬物興磨滅萬

物以草木既無命必聞石間松當時一避雨安得
大夫封人而苟不遇抱簡誦六龍

重過瓜步山

魏武敗忘歸孤軍處山頂雖憐江上浦鑿崑山巔
井豈是欲勞兵防患在萌穎我昔常登臨徘徊愛
晴景片雨西北來風雷變俄頃疾行下危磴屢脫
不及整霑濡入舟中幼子喜把頸問我適何之衣
濕不太冷昨暮泊其陽月黑夜正求鴈從沙際鳴
旅枕自耿耿平明夾櫓去廟樹聳寒嶺舉首生
白雲飄搖水中影

發長蘆江口

篙師施工相整衣龍女廟中來宰豨野祝擊鼓降
神語老鴉銜肉上樹飛長江無風平似削兩櫓夾
舸行將歸南國山川都不改傷心慈姥舊時磯

龍女祠祈順風

龍母龍相依風雲隨所變舟人請予往出廟旗脚
轉旗指西南歸飛帆疾流電長蘆江口發平明白
鷺洲前已朝膳竹根盃玦不欺人世間然諾空當
面

西施

濺濺溪流散冉冉石髮開一朝辭浣沙去上姑蘇
臺歌舞學未穩越兵俄已來門上子胥目吳人豈
不哀層宮有麋鹿朱顏為土灰水邊同時伴貧賤
猶摘梅食梅莫厭酸禍福不我猜

金陵三首

恃險不能久六朝今已亡山形象龍虎宮地牧牛
羊江上鷗無數城中草自長臨流邀月飲莫挂一
毫芒

金陵逢曉雪撩亂退雲來已失烏衣巷還成白玉
臺山盤猶隱見江轉似昭回一聽高樓笛依稀認

落梅

每入秦淮口風波更不憂重看後庭樹還起舊時
愁故老都無有遺蹤莫可求何人能識意白鷺在
寒洲

丫頭石

此碑也在金陵斷石岡上有吳文帝字焉

丫頭石雖斷文字未全訛年筭赤烏近書疑黃象
多幾時經霹靂異代見干戈更與千秋看松煤定
費摩

漫書

蒲葵兩錢扇漫寫未嫌輕老媪持將去無端色不

平

閔冢 吳天冊中

盜發廣陵冢及扉開石樞中環走徹道高濶可通
車五尺銅鑄入執兵冠服朱壁石刻位號列侍幽
宮隅殿將將軍屬侍郎常侍俱啓棺見其尸鬚班
顏未渝白壁十雙藉雲母一尺鋪黃金塞耳鼻千
歲不腐枯生為貴與富死與人未殊後世逢暴禍
雖久將焉如堯舜及周孔豈不固形軀

雪中發江寧浦至采石

泊舟斫枯葭歎火蕪岸傍冒嶺雲真濛漫江雪飛

揚拖水筒網漚出水朱鬢彊曠然起速懷風旗轉
危檣千帆共辭浦棹錯逆水翔落星始前瞻瞬目
已後相當魚何時來楊花吹茫茫沙草不可辨鴈
立知汀長山頭化石婦忽變素質光豈復願聞笛
莫逢桓野玉

登采石山上廣濟寺

船從山下過直上見僧軒繫纜登磯石緣崖到寺
門短籬遮竹澹危路踏松根却看滄江底帆歸烟
外昏

效阮步兵一日復一日

一日復一日一朝復一昏來新去成故俯仰變涼溫
有貴即有賤未若賤常存驛牛慕孤犍黃犬悲東
門禍福相為基損益不復言吾祖入吳市應龍非
伏轅

一日復一日一晨復一夕四序相盛衰三辰運光魄
下上有常理憂患何時易先爛泣金燃先焚歎薪
積但願遠世網焚爛不能責麒麟出非時未免西
狩獲鷗鳥浮洪波心已預海客

阻風宿大信口

東梁如印蠶西梁如游魚二山夾大江早暮潮吸

噓解舟辭姑熟速欲還吾廬風逆未可前泊浦近
煙堙波中事網罟乘月多夜拏冰灘聚鳴鴈霜葺
正踈踈是時昂畢中曠渺天地虛靜坐人已眠我
慮久洗如自起取美酒獨酌邀蟾蜍蟾蜍射白光
入盞亦躊躇醉來不解舞欲攬常娥祛昔對謫仙
人此意復在予既醒裂尺素立作數行書寄與青
山家精靈其有諸

早發大信口

犬吠知舩解村墟尚閉門霜泥粘纜尾冰水閣潮
痕撇撇鷓鴣去纖纖舳舻昏梅湖到不遠寄信向

田園

黃池月下共酌得池字

將歸謝公郡喜見阮家兒但對月和水那能酒似
池衰形疑鏡照葆鬢怯霜吹宿鴈不堪託鄉人知
未知

泊昭亭山下得亭字

雲中峯午午潭上樹亭亭又作大梁客貧留小阮
醒灘愁江舸澁祠信楚巫靈日暮渡頭立山歌不
可聽

送鹽官劉少府古賢

我祖南昌尉時危棄去仙劉即從宦日天子治平
年燥茗山中火熬波海上煙吳民不為盜唯此撓
君權

太師杜相公篇章真草過人遠甚而特獎

後進流于詠言輒依韻和

杜詩嘗說少陵豪祖德兼誇翰墨高蘇李為奴令
侍席鍾王北面使持毫

子美在審言嘗自謂我詩可使蘇李為奴我書可使鍾王北面

郊麟作瑞唯逢趾天馬能行不辨毛一誦東山零
雨句無心更學楚離騷

依韻和僉判都官昭亭謝雨迴廣教見懷

賽雨何從事高情苦愛山謝公聯句後

謝公有昭亭賽雨與何從

事聯句詩惠遠過溪間笑處巖相答歸時酒在顏端憂

守窮巷無力共躋攀

依韻和吳正仲屯田重臺梅花詩

桃花已滿秦人洞杏樹猶存董奉祠莫恠寒梅獨多葉只緣樂府有新詩

讀吳正仲重臺梅花詩此樹在靈濟王廟

楚梅何多葉縹蒂攢瓊瑰常惜歲景盡每先春風開龍沙雪為友青女霜作媒託根迹廟堂結子助鼎嘉吳侯本吳人筆力高崔嵬但詠同姓木予

非梁棟材

依韻和正仲重臺梅花

芳梅何蓓蓓素葉吐層層近臘寒猶勁先春氣已承冷香傳去遠靜艷密還增有意常欺雪無功合鏤冰早煙籠玉暖凍雨浴脂凝漢女新粧薄燕姬瘦骨稜壓枝唯恐折簇萼似難勝神物終來護江鄉未解矜獨竒心豈欲寄遠客何曾不見黃鸝度寧防粉蝶凌月光臨更好溪水照偏能畫軸開雲霧宮刀翦絲繒都無筆可街莫信巧堪憑丹杏塵多雜夫桃俗所稱故林嘗渴望大庾更愁登重和

陽春曲
聲辭猥媿仍

正仲見贈依韻和答

平生好書詩
一意在抱槩
既無缺雲劍
身世遭黜黜
耻游公相門
甘自守恬淡
妻孥每寒飢
內愧劇
刻惜時賴二三友
乞米慰窮慘
雖然情懷惡
亦未廢誦覽
如負會稽辱
欲雪效嘗膽
作文持與人
百不得一領
聖猶嗜好殊
獨取菖蒲歎
我愚希六義
將使鬼神感
譬彼捕長鯨
區區只持罾
青天挂虹霓
躡蹠不可擊
太華五千仞
妄學巨靈撼
幸且同蛙黽
近樂在井坎
蒼髮况種種
存非衛髦鬣
吳侯

琅玕姿而來
視龍焚鳳皇
五色毛曷羨
未翅蝻染
夏有正采安
用此淺黜乃
知并度陂萬
頃見澄澹
孟軻患為師
薄劣亦何敢

正仲往靈濟廟觀重臺梅

玉盤疊捧溪女歸
魚鱗作室待水耕
竹間山鬼入夜啼
古廟夕閉誰啓扉
屈原憔悴江之沂
芙蓉木蘭託興微
賈誼未召絳灌
齊香草嘉禾徒菲
菲曾無半辭助
訶譏國風幸賴相
因依

依韻和昭亭山廣教院文鑑大士喜予往

山暖春煙重
林昏古寺藏
溪流過曉漲
嶺樹見新

行馬去侵雲蹟風來襲野芳禪衣頻斗數蠟屐莫
趨蹌飛鼠時過擲飢禽或下頰憑欄何所適望堞
正相當捧膳溪童絜啣花鹿女香登臨無險絕不
似畏巖墻

依韻答達觀禪師頌公

霜露每懷感江山空復情老便林室靜坐默老童
聲盡日都無語逢人亦強迎浮生過半百安用此
虛名

題姑蘇邵氏園居

積水夫差國閒居魯叟心石科雲起潤城角竹連

陰鷺入池塘晚花開島嶼洙應當効踈傳不惜橐
中金

嘗正仲所遺撥醅

屈原自著漁父篇舖糟不及漁父賢世無功名多
浪死劉伶阮籍予今傳邇來獨酌邀明月唯有青
山李謫仙謫仙歿後幾百年市樓日沽千萬錢沉
酒豈少當道眠文字不見空月圓吳均之孫何我
憐雙壺貯醅持置前豈乏阮李詩與瘡淺飲強對
春風妍

依韻和正仲寄酒因戲之

上字黃封誰可識偷傳王氏法應真清淮始變醅
猶薄句水新來味更醇欲擬比酥酥少色曾持勸
客客何人紅梅雖是吾家物老去無心一醉春

酒本王九傳
法於山陽

山李結春雨

春雨霽霽鳴自古林花淡淡洗燕脂眼前耳底催
人殺不醉三盃大是癡

春夜聞雨

風味正不寢驟來寒氣增簷斜滴野擗窓缺搖
春燈孺子睡中語歸人行未能前溪波暗長定已

沒灘棧

早春田行

風雪雙羊路梅花溪上村鳥呼知木暖雲溫覺山
昏婦子來波下囊空置樹根予非陶靖節老去愛
田園

宛陵先生文集卷第四十

卷四下

三

突刺未出文集卷第四十

酒海句水新... 是時故... 色...

春雨

田園

有歌... 來... 翅... 不... 憂... 國... 聖... 樹... 林... 子... 林... 幽... 靜... 美... 清... 愛...

風雲... 雙... 羊... 初... 晴... 綠... 紅... 山... 林... 碧... 如... 綠... 木... 葉... 雲... 影... 覺... 心...

早... 雲... 田... 雨...

花... 樹... 綠...



聖